



金蓮記目錄

卷上

第一齣

首引

第二齣

借計

第三齣

彈絲

第四齣

郊遇

第五齣


射策

第六齣

捷報

第七齣

構衅



第八齣

外謫

第九齣

閨詠

第十齣

歸田

第十一齣

湖賞

第十二齣

媒合

第十三齣

小星

第十四齣

詩案

第十五齣

就逮

第十六齣

生離

第十七齣

廷讞

第十八齣

聞繫

金蓮記目錄

金蓮記上

第一齣 末上

臨江僊詞曲元人稱獨步到今戶叶官商夷堅艷

異總荒唐何如蘇學士才節世無雙 赤壁一游

閒事耳生平梗槩宜詳金蓮新譜慢鋪張未能追

雪調聊取佐霞觴

漢宮春蘇軾奇才應制科獨對名壓儒流特賜金

蓮歸第帝眷綢繆恩沾椿樹羨連枝翰苑同游奈

長樂郡 振錄西 請看也

金蓮詩
奸惇計傾外調朝雲契合鸞儔
驀地獄成詩案
幸子由申救遠謫黃州不久量移儋耳重拜宸旒
怨將德報喜雙兒克紹箕裘戒和尚一朝提醒合
門共證前修

蘇學士金蓮寵渥

王美人玉管姻聯

章丞相離擠南海

印禪師果證西天

第二齣

生扮東坡儒服上

滿庭芳秀毓山川靈分草木幾番焰奪台星筆驚
風雨膾句擲金聲看雄風鼓翅南圖九萬鵬程駕

征車長安日近曉夢遶瑤京鷓鴣天薄雲輕雨曉

晴初陌上春泥未濺裾行樂及時雖有酒出門
得伴漫看書行騎促暮山孤空把鴟夷載後車
他日玉堂應鵠立豈慚獻賦老相如不佞姓蘇
名軾字子瞻眉州眉山人也學富五車才高八
斗睿智聿超鼠獄玄明克駕雞碑詩泣鬼神寶
氣半騰吳練文搜丁甲精芒全爍秦金龍浮馬
負之圖已曾抉輿鼉擲鯨吞之句無不深研明
害氣于六真曉麗占熊之日披珍藏于二酉春

橫倚馬之雲筆聳詞峯豎詩標于劔閣觚翻文
浪飛翰藻于錦江閣上草玄嘗接白衣之載酒
壚頭滌器未酬彩管之題橋縱繡虎窓前當趁
青春努力而非熊堂上未便白首灰心嚴君老
泉居士家慈程氏安人春風庭畔每叨詩禮之
聞夜雨燈前時念門閭之望舍弟子山墳簾調
叶喜連翩而登雲室人王氏琴瑟聲和更駕才
于咏雪新有弄璋之喜允符種玉之祥女弟蘇
美霜管題梅早已絲聯家室妹婿秦觀月梯摺

桂曾聞食寄京師茲奉嚴君而同上公車須別
慈母而載馳孔道且待娘子出來與他少罄別
棕則個道猶未了娘子早到 且扮王氏上

一剪梅 畫樓百尺滑流鶯欲掃眉痕淚濕眉痕不
堪朝雨浥輕塵舉目長亭怕見長亭 相見介坡蒲

帆將駕雖有檣燕畱人桂棹半橫會見柳鶯送
客孤幃冷簟難辭白髮于北堂另楚寒巫更撇
紅顏于別闥况嬌兒索乳詎消夜半之魂而亂
鳥啼春復起舟中之恨 子愛深百歲豈忘情于

月蝶花蜂志在四方難阻路于雲龍風虎堂前
白雪妾當執掌以奉萱花眼下青衫君莫揮啼
而染楊柳坡但願題名玉署通籍金闈庶慰九

熊更消織錦坡

太師引論文章圍棘堪馳騁願藏身龍樓鳳城試
探他飛花送酒早慰却寸草懸情你羅衣冷落脂
香暝休怨我雨闌雲剩驚春夢題詩錦屏整歸鞭
重問青青王期爾香浮曲水誇得意于春風念奴
粉隱瀟湘守愁懷于夜月當爲鵬翎努力莫因

蛾影縈心子

前腔 瑶臺春冷孤鸞鏡誰念我青閨麗人惟願你
班聯豹尾須早個書寄魚鱗想天朝羅網收豪雋
獻皇家楚璧隋珍我便是菟飛夢驚也甘心怨翠
啼春外扮老泉幅巾整衣老旦扮程夫人小生扮

穎濱帶僕上

一剪梅 游絲曳楫欲長征鬢自星星淚自盈盈天
街小雨洗青萍苦走風塵無限離情相見介程白
雪將侵正可怡情泉石青雲覺遠何須奔走風

波老李廣難封豈忘情于鵲印馮唐雖老尚屬

意于龍頭况因麟綬兩兒觀光上國故此鷁舟

千里衝浪長江吾意決矣爾何阻焉坡頰東風

回首詎不傷心春酒盈甌願壯行色

三學士碧柳筵前春酒進扁舟已促行程堪嗟擊

缶千秋壯莫道揮毫兩鬢星合祖別臨岐愁耿耿

看歸來衣錦新老程合

前腔老大徒悲泉石隱他年進退難憑總然日月

雙蓬髮不負乾坤一草亭合前王

前腔細雨孤燈愁隻影不堪聞腸斷猿聲離懷總

付春流咽別恨羞看疊嶂青合前僕劔匣琴囊已

經整理筆床茶竈亦復相携請相公官人登舟

老就此相別

香柳娘念飄蓬遠行念飄蓬遠行悲啼自省翠幃

冷寂桑榆景程我離愁頓增我離愁頓增你皓首

逐浮萍我殘顏怯看鏡合唱殷勤渭城唱殷勤渭

城陽關雨輕河梁雲另坡頰

前腔別慈幃淚零別慈幃淚零春暉陡恨怕萱枝

無耐風霜緊程嘆雙兒遠征嘆雙兒遠征堂上怨

鷄聲天邊怯鴻影合前坡

前腔怕孤鸞夢驚怕孤鸞夢驚瓊樓粧靚合啼人

遠天涯近王送征人短亭送征人短亭千里滯羅

裊三更恨珊枕合前各拜介程王先下老坡賴

前腔嘆馳驅玉京嘆馳驅玉京愁填花徑孤帆着

雨春波迴望迢迢遠程望迢迢遠程此去對彤廷

雙雙晝歸錦合前

老亭亭孤月照行舟坡人自傷心冰自流

頽日暮鄉關何處是僕烟波江上使人愁

第三齣小旦扮朝雲正旦扮夢巫同上雲

薄倖細雨粒凝輕烟夢杳正春寒江樹愁濃湖草

聽流鶯百轉繁人煩惱試看腰肢一捻更為春來

漸小渡江雲雲晴嵐低楚岫暖回雁翼陣勢起平

沙驟驚春在眼借問何時玉枕印桃花巫塗香

暈色增粉黛競作妍華千萬絲陌頭楊柳漸漸

可藏鴉雲妾身姓王名朝雲字子霞錢唐人也

蕙質多奇蘭媚堪畫金牋玉管偏超織錦之才

寶氣瓊香不羨投珠之號正是腰纜勝露未曾
南戶窺郎年已破瓜豈向西園待客當此春深
悶人殊甚夢巫你說琴操姐姐今日來看我須
索候他 巫曉得貼旦扮琴操上

掛真兒翠館香深鶯乍老依然夢入蘭苕髻束芙蓉

蓉眉描楊柳堪恨青樓腔調 琴妾身妓女琴操是

也少逢漂泊偶爾失足于風塵長厭繁華每欲
投身于空寂與朝雲妹子同枝連氣原爲中表
之親搨管拈針更結相知之雅昨曾邀我今特

訪他呀夢巫已在門首了 巫等候多時就此請

進 相見坐定介雲姐姐殘雪欺梅斷雲嚼柳如

斯景物可是賞人 琴

好姐姐當筵調笙弄簫羞殺我韓娥蘇小但閒房

坐臥羅衣擁柳條驚春早應承勉強非心好無耐

飛花點翠翹 琴賢妹花呼蜂對香殢蝶羣舉目生

嗔傷心無耐 雲

前腔樓頭紅妖翠嬌芳心逗闌干低靠鸞臺塵積
蛾眉只自描愁誰掃殘花萬縷縈青草夢入筵篔

伴寂寥

琴

瑞琴在御應知指法過人

雲

桐譜未窺

深愧師傅無自望姐姐見教一二

琴

恐污尊聽

不敢胡彈

雲

何必大謙願聞郢調

琴

作彈琴介

二犯江兒水微音清俏聽縹緲微音清俏似求凰

聲韻好這梅窓夜話蘭操春調和朱絃風外裊流

水寫輕綃高山逼絳霄音入藍橋響振瓊瑤却是

羨焦桐一曲巧芳心頓消問卿家芳心頓消幽懷

偏遶嘆文君幽懷偏遶最堪悲是羅衫萬點淚澆

雲

聲落梁塵詞超柳絮願賡一曲博笑大方

前腔

雲

瓊樓粧曉正百尺瓊樓粧曉看青青湖外

草怕蜂窺帳底燕掠花梢倩龍池和鳳沼寡鵠望

秦簫孤鸞怯楚腰黛綠慵挑金粉羞調卸朱徽銀

甲小巫山夢遙怕難尋巫山夢遙湘江春杳有誰

憐湘江春杳在教人背鞦韆珠淚暗拋

琴

調出廣

寒聲同鈞樂誠為絕響慚步後塵

雲

近日曾見

些才子麼

琴

妾閱人多矣皆是井底蝦蟇未有

中原麟鳳

懶畫眉那曾見鎔今鑄古五車饒水璽花生玉粟

金蓮記

上八

嬌雖然是章臺深處醉紅綃紫芝未有人年少羞
泛春深數葉桃雲真是才子難逢佳人空老

前腔那些個陽春白雪調偏高賦寫甄神醉裡邀
風流難遇五陵豪憐奴禁放漁郎棹愁殺濃烟鎖

碧桃琴妹子莫怨佳人薄命自有君子好迷雲做

羞介琴暫且告歸又來相訪飛烟間遠望春臺

雲十二山晴花盡開琴無限春愁莫相問雲明

朝有意抱琴來琴下雲琴操姐久居樂籍尚少

奇逢妾身困守衡茅怎諧佳偶

前腔他胭脂一抹冷金翹雙釧寒生眉影雕難逢

京兆筆尖描憐我花開晝鎖無青鳥目斷西湖夾

岸桃長嘆下介巫弔場云我姐姐未舒荳蔻遠望

桃天好笑好笑

前腔他淒涼換過可憐宵浪想銀河駕鵲橋只恐

怕參商難做女牛交我姐姐桃李之姿尚未締鸞

交鳳友我夢巫柳蒲之質何日成燕侶鶯儔春愁

害得腰圍小怕見蜂鬚掠絳桃

第四齣丑扮佛印上

佛自家叫做佛印生來有些靈性只爲了悟一心因此削光兩鬢漫言祇樹有緣落得浮萍無定不逞花柳風騷不圖利名僥倖但曉理會玄詮也曾透明佛證三昧上真烝已全百煉中凡心俱淨縱然遊戲塵寰不落腥膻陷弄筆管中有謔浪的文章舌頭上有詼諧的高興縉紳行裡也去伴食銜杯羅綺筵中偏要猜拳行令堪笑世人懵懂不識菩提路徑我佛印怎麼說這兩句話我前世與蘇子瞻並生秦谷同臥招提

我有明悟之名彼有五戒之號曾拾赤氍于雪地遂畱翠黛于禪關名曰紅蓮麗超金粉恨五戒之偶見恰六塵之未消自慚敗壞前修因此托身後世清一胎投琴操紅蓮舍奪朝雲當完再世之姻緣爰示三生之契合共消宿障復隸玄臺第慮彼永劫難撈且望他悟機重闢遂走轉輪之路仍爲祝髮之徒八拜相交三年間隔只是回頭欠早罔知往世現世之因舉眼成迷未證前身後身之果前秦少游來京說他兄弟

俱叨鄉薦今會場已畢想來看我這也不在話

下昨日黃魯直章子厚約我同游郊外怎的還

不見來也呵外扮黃魯直忠靖冠服淨扮章子

厚便服携家樂上

阮郎歸南園春半踏青時風和聞馬嘶桃花如臉

柳如眉日長蝴蝶飛

相見介章

既整尊壘兼携笙

管伏蒙光降與有榮施

黃笑介

禪師前敢道光

字耶佛這也何妨

章

禪師既然不罪我要個上

頭光

黃

削髮除煩惱却不是上頭光

章

我要個

下頭光黃江邊赤脚僧却不是下頭光

章

我要

個中間光

黃

裸躰坐松風却不是中間光

章

我

要個光打光

黃

諱不過三

合

窈地錦襦東風吹水百花低一片輕烟翠嶂迷携

僧載酒出郊西肯向青山話息機

下末

扮秦少游

便服上

金谷銅駝非故國青春作伴好還鄉巡

簷共索梅花笑暫醉佳人錦瑟傍不佞秦觀字

少游才富珠璣倒神女之三峽文成雲錦奪天

孫之七襄會約內兄弟蘇子瞻子由出郊尋春

兀的尚未來也 坡類上

阮郎歸花露重草烟迷前村酒旆飛山光半染薄

羅衣攀蘿訪釣磯 相見介秦 鞍馬既當孔道琴尊

復伴奚囊願拉翠袍同游芳草 合

窄地錦襜銅駝草色夾花飛十里春陰送鳥啼盡

橋流水林霜蹄每日江頭盡醉歸 坡 此處青山似

削碧水欲飛石髓滲苔自剪天然之褥岸楊擲

鳥如聞信口之簧就此開筵莫辜麗景 各坐介

黃章上唱携僧載酒出郊西片向青山話息機

復云 你看紫嵐扮景青嶂撩人奈王孫公子與

學士大夫浪傾綠蟻千杯酒先佔白鷗三尺沙

佛 佳興須同勝游無禁推門看竹何妨王子乘

輿索酒指瓶便做灌夫罵坐大家撞去則個 相

見介坡 呀原來是佛印魯直子厚也 黃章佛原

來是子瞻子由少游也 坡 數載風塵竟睽膠漆

一朝尊俎偶會金蘭願浮白以叙交情且來青

而譚別意 黃章佛 覽勝逢朋頓增佳貺游春話

舊更暢幽懷還須塵尾同揮是用兕觥共進 進

酒介坡賴秦

集賢賓春山千點藍似水遙看翠影參差雨蘸洲

桃紅散綺嘆宿昔離情別意今日尋春相會消一

片愁城恨壘合芳徑裡人在花磚蘚地黃章

前腔花嬌柳鞦韆春萬里還宜酒漾螺卮羨君家雨

粟霜毫詞賦美還擬却柏梁沉醉真個是文園風

致應指日天池聯翅合前佛印

前腔蜂黃蝶粉春色麗這相逢暗裡心知縱白鳳

瑯章多美技論世態浮雲可比看這些蠅名蝸利

心腸熱憑誰淘洗合前佛豪懷不淺莫負山靈悶

飲何當須領酒政黃行什麼令佛要行個忙令

說得好者必登上第就是魯直說起黃占了舉

子進科場全無字半行燭已相將盡問君忙不

忙坡我有十筐蠶全無一葉桑春已相將半問

君忙不忙賴我有百畝田全無一寸秧夏已相

將半問君忙不忙秦自造數間房全無瓦一張

大雨相將至問君忙不忙章駕艇入長江中流

檣楫亡大風相將至問君忙不忙佛和尚養婆

娘相携正上床夫主門外叫問君忙不忙坡禪

師之令雖為巧弄風流實是自呈供狀佛諸公

之令意辭俱美優劣難分黃今年既是歐陽修

主考此人玉鏡高懸水壺朗照二子定為首薦

諸君亦合同登坡賴才慚東箭敢佔龍頭章秦

價愧南金願隨驥尾黃章坡賴秦合

猶兒墜春江麴米光潘黑貂衣細雨花村漾酒旗

破除萬事是心知合芳菲看日落高春瘦馬扶歸

佛

前腔鵬搏鳳彩堪向玉池飛聞得宮娥已製衣知

誰能折最高枝合前佛背對坡介長公繡口錦心

不日連枝奮北老衲萍踪浪跡來朝一葦度西

願借酒杯預賀看花之喜暗憐衣帶不勝折柳

之懷坡纔得相逢又將辭去當此春風佳會頓

為朝雨離筵強進一觥代歌三疊黃坡賴章秦

簇玉林銅龍啓玉署披正合香敷奏時晴雲半落

龍蛇字瓊林準擬紅裙醉合笑淒其僧伽明日又

說走天涯佛

前腔承明裡太液湄贈官袍醉御區我自做孤雲
野鶴無拘係寒瓢破衲堪遺世

合前衆急上報介

蘇大相公中了第二名二相公秦相公章相公
俱中了坡等急下佛吊場介我看子瞻纔能進
步便覺揚眉正是世險未嘗宦情太熱恁成鐵
網之投難用金針之撥我且寄踪三竺還期執
手兩湖正是

空門無處復無關 世上浮名好自閒
借問路傍名利客 春來江上幾人還

第五齣 小外扮黃門上

絳幘籌傳露正垂 峒堯宮關壯朝儀香飄玉鼎
晴烟細日照金莖麗影移合殿雲濃畱嫩草千
官花覆駐游絲鳳樓出入誰禁牘會見英雄集
柏池自家黃門官便是班糾豹尾職奉螭頭代
喉舌于官家備腹心于禁地今日聖上臨軒策
士只得在此祗候怎見得早朝氣象只見花迎
劍珮柳拂旌旗萬國衣冠盡染御爐細縷六宮
笙鼓俱傳天樂新聲日光照在扶桑露水沾乎

禁柳正是遶殿流鶯凡幾樹當蹊亂蝶許多叢
道猶未了舉子早到

坡類秦章上

出隊子沙堤春曉沙堤春曉五色晴雲寶焰嬌香
烟千縷惹宮袍喜向銅螭弄彩毫遙見天庭一片

僊韶

黃門

諸生有何策畧就此披宣

坡

畫眉序謹對明廷詔環視中原尚紛擾奈宸衷求

治雄心太早恨張羅玉石無分嗟懸鐸薰蕕相絞

合

望君王奮志成隆化莫使豺狼當道

類

前腔草野抒忠告權酒征茶太紛擾豈標枝野鹿

家熙戶皞奮乾綱肝食宵衣持國柄敬天慰廟

合

前秦

前腔玉陛舒奇抱看瓊尾啼饑衆紛擾惟改柱張

絃掄才訪道太阿持禍絕怡堂朝常肅災消煬竈

合前章

前腔披褐陳王道須委任元僚絕紛擾惟丹宸靜
攝洪恩駘浩弄風南霖雨時調居辰北衆星環照

合前黃門

諸生試卷盡經御覽蘇軾可第一人

蘇轍可第二人餘各賜出身有差

衆謝恩介黃

門 聖旨說軾轍兄弟係何人之子可再奏來 坡

臣父蘇洵見在京師 黃門 聖旨說蘇軾策畧箴

今文章逼古蘇轍謀猷出世議論驚人俱為宰

相之才當典史官之任着兄弟同直史館撤殿

前金蓮御燭送軾歸第其父蘇洵視躬有道訓

子多方可授秘省校書郎嗚呼有是父有是子

咸知家學之淵源難為弟難為兄足壯朝端之

砥柱時欽朕命益靖汝心謝恩 謝恩介章 既忝

同登吾輩願分隣照 坡 獨蒙特寵他人收借餘

光 章怒介 笑譚之頃便起荆榛 秦 言語之間何

須芥蒂 秦 扯章下介眾扮內官宮女持御燭官

服上

滴溜子 今日裡今日裡承明進表金蓮燭金蓮燭

祥光普照喜得紅雲飛繞依稀似對青蒸耀雙壁

連城共醉鸞堤鳳沼 坡 已到門首了快請太爺出

來 老上 漫驚白髮埋魚冊喜見青年插鳳翹 相

見介老 既登黃榜復賜金蓮沐此恩榮須知報

効 坡 爹爹蒙聖旨特拜秘省校書郎請受冠帶

老謝恩介坡列位有勞了衆下介秦上謾驚御

酒傷唇醉喜得宮袍着眼新老賢壻喜也須進

酒者坡進酒介

芙蓉紅金花轟紫霄玉蕊開清照喜填奏篴鳴冰

清玉皎千秋霧影飛文豹三殿花香落錦袍合春

風好紅殷翠嬌鳳杯傳鼉鼓鬧賴進酒介

前腔香分宮女條花壓中書帽看綺羅開處燈光

圍遶曲江已備看花棹雁塔新披拾翠袍合前秦

進酒介

前腔燈煤紫霧消鞭鐙紅泥淖一派恩光滿門榮

耀瓊宮鳳嘴含丹詔玉殿龍頭屬紫袍合前老

前腔誰知倚馬高得遂非熊兆看晚歲蒲輪伏波

不老千莖白雪侵紗帽一朵紅雲罩布袍合前衆

意不盡錦衣舞處更籌曉更舞斑衣歡笑好靖忠

猷佐聖朝老二子之名既就一生之願已酬當投

簪海岸駕樺山林以樂天真無淄世味蘇傑可

先去報知太夫人接大夫人大官人同到京師

我不久就回了

老和鳴雙鳳喜來儀

坡三殿花香入紫微

類聞道甘泉能獻賦秦光添銀燭晃朝衣

第六齣小末扮蘇邁同程王上程

花心動春雨莎隄無限閒愁牽掛捉斷刀頭寒妬

斑衣千里幽懷誰話王杏園料已題詩罷望長安

使人悲詫邁更愁聞百花深處鶯聲低亞卜算子

程有意送春歸無計畱春住目斷天涯雁影稀

淚雨流如注王顛望碧天遙不見春歸路邁風

急桃花也自愁點點飛紅雨各相見介程媳婦

自你公公與二子出門杳無消息不知功名若

何王公公望壓人羣丈夫與叔叔文空海宇決

然高掇不必過憂邁父祖久畱上國空嗟煮雁

烹魚孫兒越在幼齡何處尋消問息且須排遣

請勿憂煩程

駐馬聽目斷驕駟紫燕春風又落花只見香消金

鼎琴冷瓊絃蝶隱窓紗床頭孤枕向人斜眼前彩

袖憑誰掛何處浮槎登樓遙望愁難盡王

前腔懊恨芳華粉淡衣襟夢一涯看瓊林碧月楚

岫輕烟洛浦浮霞脂香玉黛約裙衩障泥油壁停
梳掠邁試問蜂衙何時晝錦春如畫僕上

不是路恩滿金華紫馬春殘踏落花餘寒惹舊時
庭院柳重遮報與太奶奶知道太老爺官授秘書
校書郎不久就回大爺二爺同授翰林學士特撒
金蓮寶燭送歸私第姑爺也中了燭光斜桃花春
水筵初罷寵及東床更可誇特差小人來接大夫
人并大官人進京舟如畫蛾眉休戀茶蘼架快游
都下快游都下程你公公暮年沾寵二子壯歲題

名實微福子祖宗喜增光于門祚孩兒在京懸
望媳婦就此前行王膝下紅顏須代冬溫夏清
眼前白髮况兼影隻形孤怎捨庭幃願供菽水
程你公公還家有日莫愁萱室之長孤孩兒旅
邸無人須戒蘭橈而過往邁媽媽遠征孩兒固
當陪侍婆婆獨守孫子豈忍拋離程不須啼哭
就此起程

榴花泣輕塵浥雨半曲濕春紗驚古道怯殘霞你
車輪芳草度三巴我白頭人怎聽啼些悲婁晚鴉

怕東風淚滴鞦韆下最愁人一捻嬌姿更難拋三尺啼哇王

前腔垂楊別路回首暗嗟訝春草暮夕陽斜不堪

分手咽胡笳怎撇得堂北萱花迢迢路賒堪悲白

髮嫦娥寡邁帶紅顏淒楚風塵挽青絲齟齬年華

僕

無端司馬登綸閣催促西施上釣船稟上

夫人公子船隻俱已齊整請登程則個王就此

拜別程

急板令我冷朝昏門闌倚斜你走風波山川望賒

嘆鬢老霜華嘆鬢老霜華只愁破鏡飛天愁淚凝

霞懷寄垂楊夢錯梨花合從此去何日還家看千

里暮雲遮王

前腔怯離愁青襟似麻問歸期西風及瓜邁總然

是出入金華總然是出入金華怕你露冷蓮房夢

斷蘭芽古渡漁燈愁殺飛鴉合前各拜个程

一撮棹愁腸裂寄語到天涯孫兒你遇着公公呵

桑柘影斜日辦歸槎你去對爹爹叔叔說看青鬢

鷺序上顯才華王花愁并柳悵怨無涯長亭畔淚

酒沾羅帕邁 鬼斷也一帶晚山遮邁 鬼斷也一帶晚

山遮程先下王邁後下

王 柳色參差掩畫樓邁 楚雲湘水憶同游

王 羅敷獨向東方去邁 無奈金閨萬里愁

第七齣外扮程伊川深衣角巾眾扮僕上程

臨江仙太極圖中生意好鳶魚機趣滔滔淵源夙

仰泰山高圖書誰作主天地屬吾曹窓前草色惜

惺惺完却先天一點靈碧綠滿山皆意趣春風

沂水伴西銘下官程願別號伊川人許性天上

士自慚理學名儒接洙泗之淵源擬荷千秋之

擔紹昌黎之道脉豈與八代之衰昨奉綸音今

司秘閣既食朝廷之祿敢忘廊廟之憂每勸聖

上誠意正心求賢下士聖上為之改容今日說

王介甫章子厚蘇子瞻來共議國是須索候他

僕稟老爺欄前有桃之天天灼灼其花請去玩

賞一番程 快移椅子過來僕 置椅偏斜介 程做

不坐介 僕 老爺為何不坐程 你不曉得席不正

不坐哩僕 做摘花介 程作怒介 你好不知道理

僕老爺爲何發怒程你不曉得方長不折哩衆

扮王僕持帖上王老爺章老爺奉拜僕通報介

王老爺章老爺到了程快拿冠服過來易服介

衆擁王章上

謁金門千騎導盡戟黃旗喧擾朝罷香猶衣袖裊

且尋濂洛老王下官王安石是也章做歪帽介下

官章悖是也相見介程做走下介章老先生怎

麼進去了程其冠不正望望然去之章這等老

先生就替學生整一整程學生怎麼該替老先

生整冠章笑倩傍人爲整冠程出于何典章出

在杜少陵集中王他們道學先生不曉得唐詩

的且坐下講話程蘇翰林老先生怎麼尙木到

王這個新進之士多有傲骨似不可大川的章

便是這樣說他前日金蓮送歸好不奚落下官

坡上

前腔曳珮龍池鳳沼回首雲低萱草游子天涯歸

路杳離愁何處掃通報相見坐定介王下官有一

椿事請問列位老先生衆願聞王今日明堂大

餐不知還好去弔司馬相公否章似可去的程

章老先生你背聖訓了怎麼說一個似可去昔

者吾先師大成至聖孔夫子于是日哭則不歌

業已作樂怎麼還好去弔坡但聞哭則不歌未

聞歌則不哭程作怒介偏你後生會說王這也

不要介意還有一事衆願聞王我行的青苗法

令民自度麥粟之贏先貸以錢俟穀熟還官號

曰青苗錢此法何如程急拜云此真天地父母

之心學生當為老先生作一歌紀之詞介百姓

嗷嗷苦橫征廟堂誰復問蒼生相公新法如霧

雨從此夢區見太平坡笑介此公太腐了王蘇

先生你道此法何如坡據愚見竊謂不可王怒

介你怎見得不可坡出納之際吏緣為姦且方

其饒餘雖良民不免妄用及其輸納雖富民不

免踰期恐州縣從此多事矣程哭介王老先生

一片好心被蘇老先生埋沒了可傷可傷坡方

纔說歌則不哭如今歌後又哭何其自相矛盾

耶王子瞻出言太是逼人程王章

奈子花負空名舌底辭僥弄虛脾腰頭骨傲書生
見識終窺豹藐公卿那些忠告堪誚說不得披肝

廊廟

坡

列位老先生說得差了一

前腔擅紛更訟已盈朝佐謨猷舍難築道片言誤

國堪悲悼害蒼生那些忠孝

背

堪誚衡一味雷同

樞要

正

難道此法終不可行

坡

只怕也行不得

章

他偏要行你却怎麼

坡

酒逢知己千鐘少話不

投機半句多

下淨

王老先生我看此人出言無

狀何不置之外任

程

果然不可畱他在朝

王這

個何難之有我就題本貶他杭州去便了

章要

貶子瞻須把他兄弟子由一同謫外庶免後患

王這個說得有理

王章

解三醒念吾儕勢焰傾朝那個不脂韋媚竈偏這

生波濤翻覆招人笑分明履尾招鬚料教他明朝

整頓西湖棹何日重登御水橋

合

還堪惱做不得

怒蛙當轍說什麼白鶴鳴臯

程

前腔他自負半世英豪那見得一腔奇抱爛斑三

寸人前掉電光閃爍皆傾倒管教他早離鶴禁鸞

坡上永絕雲龍風虎交合前王章先下程吊場方

纔被蘇軾這厮搶白了一場好生煩惱不免在

此納悶片時坐介中爭扮賈儒上小子喚做賈

儒一生各實不孚拜在伊川門下粧成道學規

模飛語傷人舌銛似劍匿名嫁禍筆毒如荼使

客氣藉時各抗節受人錢甘心納垢藏污哭

哭啼啼假慈悲善瞞老鼠耽耽逐逐借聲勢巧

勝妖狐人人罵我做衣冠禽獸箇箇識我是文

物穿窬孔子見了慌忙答禮道我不是他的高

徒此間已是程先生門首不免進去則個相見

介賈先生拜揖程賈子何來賈好笑好笑有事

特來相報另才姦了馬扁的家婆血次割了具

戎的田稻恐被不講學的笑譚只得隱忍不告

先生須索鳴鼓而攻免使得罪聖門名教程陽

世雖逃顯戮陰司自有假獄莫令蘇軾聞知又

添一番恥辱作頓足介罷罷閉門不管窓前

月一任梅花自主張下賈我先生收了這般徒

弟可也無法處治了正是道學偷了道學婆道

學割了道學禾道學說與道學道道學其如道學何

第八齣

坡上

一江風度流年慢卷春風轉回首時光變望鄉園
千里鶯花半入蒼痕遠愁來掩鏡看愁來掩鏡看
繙書淚未乾嘆梁間又乳新來燕下官官居禁籞
職掌絲綸頗期整頓乾坤誓欲洗清世界奈姦
臣久据未拔眼前之丁新法盛行已剗心頭之
肉非與王介甫輩會議片言不合拂袖而歸吾

惹金馬玉堂雖然清貴竹籬茆舍亦自逍遙何
須屈膝低頭效彼逢迎妾婦只合揚眉吐氣做
個慷慨丈夫這也不在話下前者家君棄職歸
山未知在途夷險若何又聞空人孳兒就道未
知到京早晚若何聊繙殘卷少遣悶懷

王邁僕

同上

前腔路悠然轉覺長安遠暮雨迷庭院落花前掩
袖顰眉無耐紅潮濺春流咽玉川春流咽玉川官
雲濕碧泉繁花偏向瑤京艷

僕

此間就是府中丁

通報進見介坡

經年遠別千里相逢常思故國

萱堂難消歲月料應客途荆室備歷風霜

六犯宮詞高堂景暮長安天遠曾問白頭庭院萱

花凝翠偏忻善飯堂前馬足淹春雨蛾眉破曉烟

相公我在家中呵閒青粉冷翠鈿梨花門掩度芳

年春風帳裡眉誰畫永漏燈前影自憐坡且喜邁

見稍長曾入小學否五兒郎頭角曾親蠹編晴雲

遙望蓬萊殿舞翩翩羅衫半幅含笑向金磚題名

龍榜通籍鸞堤頓令幃簿生光輝真是家門有

餘慶

前腔坡名題玉署恩傳寶殿漸覺宦情慵懶淒涼

無緒寒窓自著瓊篇邁兒你叔叔入朝未回可去

門首一候邁曉得下介坡細雨床頭濕孤雲鏡裡

閒我在京中呵懷金黛想玉鬟舊時風味尚依然

雲籠寶髻憑誰掠月覷紗窓只自眠佳人携手風

情轉添相逢重問巫山淡向燈前低言挽袖欲試

舊花磚邁急上叔叔回了賴上萬縷香烟浮碧鼎

半行珠玉染青毫紫薇閣下春風暖共羨池頭

有鳳毛 相見介王 叔叔別來無恙婆婆向自加

貧同氣同登可喜可賀 頰 慈親夏清冬温多承

周庇賢嫂風食水宿幸得康寧殊慰鄙懷敢忘

大德

東甌令 憐孤樹怯晚萱萬里相思各一天白頭猶

喜人强健骨肉重相見寒燈偏覺笑聲喧杯酒醉

風前 坡

前腔 離千里戀一官杳杳家鄉玉壘邊扁舟欲遂

魚蝦願猶被鷓行絆不知何日整歸鞭一笑出風

烟 秦急上 君恩如草露世事等萍漚 相見介 子瞻

子由你還不知道聖上有旨子瞻出守杭州子

由理刑河内着金吾催促卽刻出城不許遲滯

坡 癩 這個俱出王安石章惇之意就此起程去

罷夫人邁兒過來見了姑夫 相見秦對坡 二昆

外調頓興麟鳳之嗟小弟孤淹願唱驪駒之曲

劉潑帽臨行休更成凄斷且寬懷各整雕鞍飛花

半逐斜陽片賜金環重上明光殿 衆

前腔 相逢不久還分散看鴻翎兩處盤桓桃花怕

滴珠如霰翠衣斑潦倒新亭怨

秦客心何事轉凄然坡忽漫相逢是別筵

類同作逐臣君更遠王斷腸分手各風烟

第九齣 琴上

風入松 輕風暗透碧紗厨正是悶人天氣雙飛乳

燕雕梁語掠浪影蝦鬚簾細近日春山落翠多負

了賞花期江神子長堤柳絮半搏風水溶溶颺殘

紅野渡舟橫楊柳綠陰濃望見西湖山色遠人

不見草連空妾身琴操是也頗知絃管畧涉詩

書雖落秦樓楚館之中殊無送舊迎新之態欲

求落籍先且杜門前日去話朝雲看他芳心漸

露倦體難勝今又着夢巫請我未知有何話說

正是萬點愁心隨絮舞數行血淚送春歸此間

便是不免呼喚一聲妹子何在 雲携巫上

玩仙燈花染羅裙又送韶華歸去 相見介琴光景

如拋機上梭初晴天氣尚清和蛾眉不掃為誰

恨豈少樓頭半斛螺 雲前屈寵臨未伸報謁穠

華供眼敢邀共陟吳山蒼翠逼人還擬冥搜瑞

石琴願追玉步同覓仙踪行介雲真好風致也

金索掛梧桐烟紫翠草絲雲送黃梅雨羞抹胭脂
半掠青螺髻登高迴眺也謾長吁帶眼驚愁褪繡
襦無端紗冷西施縷目斷琴敲司馬壚愁容易瑤
笙翠管冷落半年餘合嘆流光鳥瘦花飛挽不住
春歸去琴

前腔風簷落燕雛水荇浮魚戲糝徑楊花羞殺隨
風起沉香烟燼也冷金猊睡怯新蟬係夢思我如
今謝客久了綠陰滿院清如水怕紅燭燒窓醉似

泥愁腸碎柘枝花帽冷落半年餘合前琴色麗青

山百尺飛巒掛薜春濃綠樹一羣嬌鳥啼花值

此芳辰可無佳句雲繁華節序觸景須吟繚繞

川原登高堪賦卿先走兔妾願續貂各持筆賦

詩介雲

鎖南枝雲催雨霧隱枝和風扇人間寫詩清味落
江堤香氛滿蘭蕙愁誰洗恨莫題笑飛花惹人意

琴

前腔花裁障柳織絲春愁一腔聞鳥啼鳳蠟灑羅

衣驪珠滴鬟髻霜毫弄重紙題怨青山使人帶雲

佳篇已就初學願聞琴做付詩雲讀介飛絮全

欺雪殘花乍入衣春風如舊識偏向玉階吹琴

深慚弄斧聊作拋磚雲付詩琴讀介閒坐吳山

巔拾盡吳山翠無耐樹頭鶯喚得愁心碎此春

閨之最勝者也借妾携去細玩何如雲

錦衣香寫新詞愁心碎怨東風千里翠怕綠慘紅

愁粉憔悴羅衣半隱殘暗春痕一縫怕有人知

巫山夢斷杳無期宮腰暫細薔薇偷注空將人鎖

萬花叢裡琴

漿水令鎖香閨慵窺蝶翅掩重門休看蜂隊朱子

朱顏誰怨落紅飛腰纔勝露便掠花鬚背云笑他

行春心動增憂慮閒愁一片常縈係對雲介春光

去春光去雙眉影細知何日知何日是佳期未扮

差人上纔向黃堂瞻畫戟又從翠館覓笙簫自

家杭州府中一個差人便是明日新太爺到任

須尋官妓承應我想蘇太爺最愛美人如今七

寶巷延定巷沙皮巷丁絲巷上八街柴塚橋環

翠樓並無出色的姊妹只有琴操才色無雙我
方纔到他家說在紫陽菴去了不免尋他一會
呀果然在此 相見介琴 公差何來 差 新太爺到
任請大姐去承應則個 琴 我杜門已久了 差 雖
然如此蘇老爺是個風流太守素聞太姐芳名
一定要勉強走一遭庶不使吾輩受累 琴 妾心
慕已久面會何妨你先回去我就來了 差 下琴
向雲 既有官差暫且相別 雲 如無俗冗還望再
來

琴 晴雲漠漠柳毵毵

雲 獨閉空山月影寒

琴 越女含情已無限

雲 更無人倚玉欄杆

第十齣 程上

桃源憶故人堪驚時序如飛電又早是薰風庭院
朝夕倚門愁嘆只爲長安路遠樓頭遙望千山亂
何日斑衣相見良人已出京都爭奈山遙水遠老
婦獨居庭院自憐影隻形單况當殘春初夏之
時正值暗綠稀紅之候頓起愁緒怎消悶懷
亭前柳白首老風烟解組返林泉我孤鸞空對舞

他駟馬未聞旋合自憐雙鯉音無見離恨難傳知

甚日大刀環兩見游宦誰娛彩服于堂前冢婦之

京評作羨湯于厨下似這般桑榆景逼怎能殼

棣萼榮歸

前腔浪子滯歸鞭少婦怯紅顏他錦衣歸未得我

倦眼望將穿合前老携僕上

紫蘇丸孤鞭歸去程途遠早遂却烟霞心願空囊

羞自到鄉園誰念飛雲倦老夫叩關謝職馳驛歸

田此間已是家中進去則個相見介拜命遲非

老休官早亦榮程好將已往事訴與落花風老

聽我道來

二犯傍粧臺恩波曾出九重天堦前雙玉早已奮

鵬搏老夫見機因而身退二子遭謗聞已左遷軾

見出守臨安轍見理刑河内武林遠謫三閭怨河

洛荒投六月寒門前柳長迎彭澤徑裡花香築朝

川媚女兩人還在京師奄奄弱息瑤都暫安不堪

千里各風烟程相公鳩杖西歸幸不折腰于五斗

二子虎符南竄誰憐翹首于一方禍福靡常喜

悲交集

前腔清宵淚滴玉欄杆何日裡白頭斑袖携手笑

燈前大見呵棲遲靈鷲消雄態次見呵漂泊長沙

怨少年幸得老相公回來了不聞鷓鴣長安漏喜

泛魚蝦震澤船瀟瀟白髮家園暫安餘生聊寄錦

江邊

老坐臥閒房春草深

程羞將白髮對華簪

老獨憐京國人南窳

程日暮聊為梁甫吟

第十一齣

衆擁坡上

破齊陣萍劍龍呼風雨瓊林兔點虹霓千里奔馳

一官牢落翻覺烟霞遠滯高風未掣飛鴻翅宿雨

空淹瘦馬蹄蒼山一望迷五馬嘶風夜入吳天涯

望斷半行書西湖西畔北山北一片晴光照玉

壺下官挈將紅粉戾止黃堂築起龍堆柳夾兩

湖之岸駕成虹影桃敷百尺之橋實為蓄洩永

圖非僅游觀私便今日已完公務此時須犒征

夫左右的可打點舟師酒吏以供皂蓋之游更

傳呼官妓樂丁爰助朱旛之興

衆領鈞旨

下介

坡退到私衙謀諸內壺夫人有請王上

鷓鴣引寶鏡羞蛾烟縷迷瓊徽冷鳳露痕低鄉園

千里空回盼斷送閒愁聽鳥啼相見介坡身沉宦

海羞看紫綬懸腰夢遠親闈無耐白雲當眼窮

如有鬼酒且無權空期鹿遶車前怎脫蛾投火

裡王相公素耽風月妾身厭搆雨雲欲消白首

之悲須遣綠衣之聘坡自恨丈夫落鬼豈因女

子縈心聽我道來

玉交枝瓊閨春暮挽鮫綃雲翻雨飛又不是枝褪

花殘豈重尋蘭香蓮步王不要瞞我挑燈夜半自

嘆吁幾回夢入桃源路須再聘沉魚美姿須再聘

沉魚美姿坡風味縱濃心情似懶金谷雖懷紅粉

文園怕聽白頭王妾意已決不必虛辭

前腔雲殘月午掩粧臺青鸞怕飛况且只有邁兒

一人料閨中繡枕驚寒看膝下斑衣獨舞坡雖然

如此只怕春風暗裡恨棄魚當壚偷寫文君句謾

重尋鸞膠鳳絲謾重尋鸞膠鳳絲僕遠絕雙魚信

驕聞五馬嘶老爺船隻樂妓俱已齊備王妾身

須迴避者 下介坡做行介衆 稟老爺已到湖邊
了 琴携樂工上

出隊子 簧調笙沸簧調笙沸一派嬌鶯喚柘枝西

湖咫尺紫雲迷十里花香上酒卮遙看高峯一道

霏微 琴 官妓琴操叩頭 衆 樂工叩頭 坡 就此登舟

做登舟介坡 久慕芳名得親艷質愧無金屋貯

此玉顏 琴 老爺翰苑蜚聲素羨風流太守賤妾

平康獻媚自慚窈窕佳人既一笑以相逢似三

生之契合 坡 我想青眉粉黛總屬虛花歌扇舞

裙終無結果在此追歡翠館甘爲浪跡之萍不

如入侍朱門永護長條之柳吾恐冷落王孫車

馬配成商賈鸞凰倘悔則已遲則圖之宜早 琴

老爺典言及此賤妾迷網頓開卽當削髮爲尼

不落烟花之隊豈復描眉待客久污清淨之根

玉交枝 秦樓滋味最堪悲王孫夢稀投至得貌慘

鷄皮有誰憐衣沾鵲淚到不如拋鉛碎鏡衫染緇

蒲團贏得窺蓮諦還勝却東風絮飛還勝却東風

絮飛 坡 你既厭風塵我欲求佳麗自幸玉堂貴客

恰逢金谷嬌娃如此良緣定爲夙契俾伊彈箏
進酒共銷長夜鐘聲勝彼揮塵譚禪獨閉空山
月影

前腔銀塘風味豈甘心叢林自棲誰念我桃葉無
緣幸逢卿榴裙堪繫只指望臺高銅雀賦綠衣夢
驚珊枕收殘涕又何須茶毘共飯又何須茶毘共

飯琴自慚歌館綺羅難侍詞林山斗妾有表妹名

曰朝雲貌可閉月羞花才擅迴紋綴錦欲沾美

土何吝明珠坡高才可羨佳製願觀琴現有新

詞敢呈台覽坡看詩介

前腔盈盈腰細裊薔薇春條暗飛青絲髮半覆螺

眉唾窓絨高粧鸞髻登樓剩有腸斷詩檢書願望

紅繩繫還許得文鸞並栖還許得文鸞並栖坡觀

其才擅謝庭定是色傾漢國願將玉管以聘金

閨儻牽繫足之繩敢贈纏頭之錦八

前腔蜂衙蝶使做媒人紗窓寄詞我拾得萬種風

情你完成一天好事教他莫負瓜破時殷勤玉管

傳深意願望着霜紅暗題願望着霜紅暗題佛社

金蓮言
聞中惟作偈醉裡欲逃禪我佛印來到杭州聞
得蘇子瞻在湖中游覽不免將幾句言語打動
他看他何如作高叫介船上聽者我要到彼岸
你可撐船過來坡問衆介岸上何人喧嚷衆是
一個和尚要過岸的坡既然是出家人便度他
一度佛你度我我還度你作登舟介坡見佛介
呀原來是佛印禪師佛你却還認得我佛印麼
坡來得恰好尊有綠蟻座有紅裙與你痛飲一
回何如佛多謝盛情且問這位是誰坡此是琴

操如今就要爲尼了佛久聞久聞幸會幸會我
有一聯勞卿屬對琴願聞佛碧紗帳裡睡佳人
烟籠芍藥琴青草池中洗和尚水浸葫蘆佛和
尚得對佳人定是榮幸坡對琴介你也出一對
與禪師何如內作鳥鳴介琴斑鳩無理老僧頭
上叫姑姑佛白蠶有情大姐胸前呵奶奶坡不
要取笑且進酒者

念奴嬌序湖光十里看千山寒翠盡教漾入瓊巵
契濶三年又何緣隄遇相知榮繁宦跡浮沉餘生

淹滯新添明鏡髮邊絲今還從此亭前問水花裡

題詩

佛對坡介

子瞻既已深居鵝禁因何反譎熊

車坡

綠中讒言故投荒裔

佛

班中鵝鷺榮華空

老春秋世上蜉蝣生死堪嗟朝暮

前腔世事如同朝露聽宮漏靴上霜凝髮邊華暮

紫綬金章鋼蔽了白馬青蓮舊路誰悟鏡裡嬌鸞

空中野馬氤氳出沒又何殊

合前

琴對佛介

妾身

擬人空門頓把紅粧淨洗師父誕登覺岸還須

寶筏相招敢進竿于舟中願締盟于方外

前腔佳麗鉛華盡洗甘祝髮花陣名除蓮臺籍隸

祇樹瑤華還勝却綠髮紅粧垢膩密諦燈下添香

瓶中換水火坑脫出侍摩尼

合前

佛對琴介

聞爾

久居樂籍緣何遽想禪林

琴

非干賤妾圓通多

賴明公提醒

佛對坡介

子瞻你只會啟他人覺

路反不能豁自己迷途可笑可笑

前腔嬌媚紅裙成隊投至得柳葉粧眉桃花裁袂

一啓禪機便解却鴉鬟蟬鬢你矇昧掩袖藏珠提

燈乞火昏昏反做有情痴

合前

佛

紫霞注酒既已

沉酣紅日銜山還當暫別坡斜照半橫野樹還

看他鳥宿池邊清陰暗度禪關少不得僧敲月

下佛你向草中放砲忽聞茅裡傳聲我歸堤上

尋坑却是湖邊撒溺坡經期作合紅沾褲裡光

頭佛產後行房血滿腰間鬍嘴琴賤妾誠無水

色二公豈負湖光佛謔母太虐別了罷且將閑

裡話提醒夢中人下坡琴操既勞撮合母得邊

巡琴君若有心妾當盡力琴操既勞撮合母得邊

古輪臺綠窓西青鸞一縷遞支機芳名已註姻緣

薄花香粉漬看蝶往蜂來漏洩春風幽趣坡問楚

嶂行雲武陵流水瓊簫肯逐路傍兒琴料應容易

想多嬌肯繫紅絲花還並蒂鴛如交頸樹同連理

早辦畫蛾眉輕分付來朝準備高唐賦

坡踏閣攀枝恨不同琴青鸞飛入合歡宮

坡嫦娥應悔偷靈藥琴會向瑤池月下逢

第十二齣佛上

泥牛到河不可渡石人控馬定難騎有人解得

其中意就是無生覺悟時我佛印看得琴操舊

隸玄門子瞻風登慧錄一個溺愛河而稠悟共
圖暮樂朝歡一個沉宦海而久迷空自南奔北
走一個將青蛾來燎火且過眼前一個見黃鶴
而關弓不知背後一個要把謔談諱語撥轉瞳
神一個須將啞謎微言提醒夢幻遠遠望見琴
操來也不免且躲在柳陰中聽他說什麼子
琴

扮尼姑上

不是路纔罷春粧去訪東家女伴行堪悲槍珊瑚
夢醒淚沾裳自家一時醒悟祝髮爲尼蒙蘇爺分

付去朝雲家說媒未知肯否問紅窓風流聘入銅
臺上未審花枝肯出墻
佛做背後抱住介琴驚介

是那個佛是我琴怒介出家人休得如此騷和尚

桃花豈爲葫蘆撞是何形狀是何形狀佛我有兩

句話勞你對蘇爺說

前腔寄語黃堂衣鉢從今向外方還傳上不能執

手話裏腸我有書一紙勞你帶去恨偏長匆匆別

去西湖上但迤相思紙半張琴敢問禪師幾時又

會佛應難量浮萍踪跡多漂蕩何時合掌何時合

掌來時只識菩提路去時還聽海潮音下琴這個

和尚書中不知什麼說話到擔閣了一會工夫

此間就是朝雲家裡請他出來則個朝雲妹子

有請雲携夢巫上

一剪梅千樹湘桃隱暗香欲問劉郎何處劉郎薰

風拂柳控寒房腸斷蕭娘夢斷蕭娘相見介雲鳳

輦時經蝸居乏款敢問姐姐何由落籍遽爾洗

粧琴久染風塵頓荷黃堂提醒素粧淨土幸銷

紅粉昏迷今有一事相干伏惟片言垂允雲卿

試垂教妾當敬從琴聽我道來

白練序西湖上偶接多情翰苑郎就是蘇太爺姿

容美更是風流清爽他曾見你的佳作了詩章看

兩行欲聘深閨窈窕娘試商量文園病客可遂求

鳳雲奴家既無父母終鮮弟兄願作嫦娥獨宿何

心蕭史同登

醉太平思量羞蛾難放願偷丸奔月獨守雲房長

嘆介背介徘徊自想怕他綠衣妬殺黃裳琴何妨

小星風度可成雙莫得躊躇顧望雲謾勞勉強花

枝無主暗自悲傷巫不要如此假惺惺便好琴

白練序蘭房藝麝香屏山象床風流處還有温存

情况他現有玉管為聘舍光兔彩長敢奉佳人掃

玉章休推讓明朝笙管欲效鸞凰雲推阻既嫌絕

物應承實是羞人月下傳言多蒙作伐堂前醮

酒權作主婚巫這番有食吃哩雲背唱琴聽介

醉太平喬粧星河在想料腰肢怯處不耐蜂狂琴

這個我替你說分上向蕭郎低講扶持須藉東皇

雲青絲半幅梅花冷七襄怕逐亂紅飄颺琴不須

悒悒便使君有婦偏問鴛鴦琴肯字教傳明日去

回府上
雲幽情願叙此宵且盡杯中合

餘文風傳漏滴蓮銅響且沉醉花屏蜂帳只有清

話今宵覺夜長

琴春日偏能惹恨長雲西宮夜靜百花香

巫東風嫁盡紅閨女琴雲雨巫山枉斷腸

第十三齣坡王上

遶地游紅深綠淺着眼山雲淡泛銅溝荷香初滿

風覩瓊鬚寒生玉簫儘官清畫堂簾捲坎長嫌鐘

鼓聒湖山官舍蕭條却自然乞食遶村真是飽
無言對客本非禪披蓑覓路衝泥入洗足關門
聽雨眠遙想後身窮賈島夜來應聳作詩肩夫
人我杭城久滯蜀道遠違豈無桑梓之懷更起
棣棠之恨只爲窮愁五馬空嘆身孤因而悵望
雙城還期心肯雖傳玉管未渡銀河漫題神女
之詞反亂襄王之夢王欲識鶯消燕息須憑蝶
使蜂媒且待琴操到來自知端的琴上

前腔紅寬帶眼掩映桃花片還問取雨香雲艷燕

語鶯啼好遂吹簫願喜羸臺乘鸞風便

相見介坡

請坐下講話

琴

老爺在上賤妾豈敢

坡

今作尼

姑自殊妓女已出風塵之表休拘禮法之中

琴

告罪了

坐介坡

所免之事若何

琴

容稟

桂枝香羞揮歌扇慵調檀串啼粧不貼銀蟬暗語

孤彈金雁

王

如此事不諧矣

坡

我已打點做新郎

好不掃人興也

琴

不要忙我是耍你的話看佳期

月圓看佳期月圓紅絲堪絆瓊桃容泛笑嫣然好
綰同心結非爲對面緣

王

既荷玉成須將紅定早

備洞房花燭更催雕輦笙簫坡夫人言之有理

前腔花含蔥靨翠聯珠串金粧獺髓霞絃玉鑄魚

紋雲輦琴夫人呵怕湘雲漸闌怕湘雲漸闌前魚

堪怨初心還變王作長吁介坡謾愀然雖是拈新

管應須整舊絃琴我到忘懷了還有一件事昨日

途中偶逢佛印禪師他說雲游去了有書一紙

寄上老爺坡看書介腸斷圍屏飯裡魚夢回赤

壁舟中鶴海波羞渡五更風盡省重登二品爵

其語一時難解且放過一邊琴敢別仙郎暫去

還携淑女同來坡早來些琴好性急哩謾將仙

侶尋瓊管分付佳人上玉樓下鼓樂尊雲上琴

隨後

海棠春春蛾暗畫羞靦覷看歌管樓臺當眼繡帶

淡雲籠寶袂餘寒淺鳩鵲河邊鴛鴦燭畔怕見流

蘇光艷何處係人心惹得春零亂琴新人到了坡

我不循舊例就共你贊禮琴做贊禮畢介紫鸞

聲滿須吹羸女之簫銅雀春深爰鎖小喬之黛

蜂侵雙蕊雖然過北穿南蝶度隣牆最怕憐新

棄舊惟願若妻若妾各厭雨雲爲正爲偏平分
風月添來替死鬼轉盼時酒醋瓶翻搶去美前
程着手處葡萄架倒坡行禮已畢看酒過來

梁州序 雲屏初列彩絲新戀袖映屏山雲艷蒹葭

玉樹低回笑攬芳年傳書橘浦投杵藍橋佳遇應

堪羨却憐雙笑也會神仙一曲簫聲駕紫鸞合金

炬上飛光焰玄漿玉笋臨風勸歡笑處越嬌倩王

前腔 金門佳客瑤池仙媛一笑便成姻眷三星恰

照胡麻喜放桃源况我恩同江汜愛叶衾裯更並

花枝艷紅樓風色好正相聯共向天邊駕彩鸞合

前雲

前腔 向粧臺半貼寒蟬揮玉管羞題冰蠶看芳塵

暗度一捻金蓮怕飛雲嚼柳亂雨抽梅着處將人

閃可憐紅袖底影盤旋羞帶瑤笙暗引鸞合前琴

前腔 道新人翠柳芳顏知學士青藜時彥似金釵

一股共成合鈿我做推雲掇月約蝶期鶯兩下行

方便笑我青絲何在也鏡空圓羞舞東風舊日鸞

合前坡王

節節高紅紗燭影鮮綉簾前榴裙喜遂彈琴願揮
朱線整玉鈿飛金燕翠奩深處偷相見芙蓉帳額
香風扇合此夜嫦娥問玉郎休教蓮漏頻催箭雲

琴合

前腔星橋烏鵲填笑嬋娟金尊偏送桃花面笙簧
滿笳鼓喧盃盤亂石榴妬殺羅裙茜花飛點點侵

銀蒜

合詞

尾聲新來艷逸真堪羨笑溶溶雨香雲煖撮合姻
緣只是詩半聯

坡

暫醉佳人錦瑟傍

王

南宮夜短北宮長

琴

禪心已似沾泥絮

雲

海燕雙棲玳瑁梁

第十四齣

章上

鳳凰閣瓊樓玉殿日對君王面年來眼底妬奇才
暗地裝機設陷欲酬心願便恣意傾排逞舌尖自

家章悖六本刁頑術偏險詐鼠鑽倖穴因而位
列銅螭狐假構門自此威行金馬最愛尋膾逐
臭直慙者難逃一筆全勾習成婢膝奴顏驕傲
者竟使十年不調生前詭計但圖半世之榮死

後公評邊惜萬年之罵前與蘇子瞻山河訂誓
本爲管鮑之交各位相傾頓起孫龐之隙奪却
鸞是史職謫爲熊軾守臣湖上築新堤赤子僉
嗟苦役舟中了公事黃堂共議鰥官况復品題
更多譏謗箱盈案積盡爲怨主之言板刻石鏤
悉是嘲時之句詩腸旣索毒手堪加已曾分付
御史舒直動本劾他約今日會議恁的尚未來
也箭上豈是麒麟種休言獬豸新全憑三寸舌
斷送滿朝人相見介章昨日下官所囑之事不

知稿已完否舒稿底已完呈上求正章看介妙

妙妙中間如陛下發錢以便貧民則曰贏得兒
童語音好一年強半在城中陛下明法以課羣
吏則曰讀書萬卷不讀律致君堯舜終無術陛
下興水利則曰東海若知明主意應教斥鹵變
桑田陛下謹塩禁則曰豈是聞韶解忘味邇來
三月食無鹽此一段尤爲懇切舒屬草雖由不
肖設謀實出恩臺章此本一上這厮不獨削籍
清朝抑且置身圓土使衆人鬼驚鬼落舌結口

鉗則我輩後患永消見福長保矣

皂羅袍誰識暗藏坑塹奈腸摧李賀筆夢江淹弄
得他青鋒入頸莫辭銛紅光燒海寧逃焰詞描月
露災生眼前言霏珠玉凶招舌尖總懸河利口焉
能辯舒不是做人太狠功名之會最用附羶勢利
之場猶如騎虎要官做的依違豪焰在所不辭
傾軋善良又誰能免

前腔只要宦途無險且萋菲言惡貝錦辭甘誰教
他六橋風雨絳桃鮮兩行笙鼓紅粧艷一生俠氣

遭人制箝千秋傲骨窮途自淹誰知我腹裡陰藏
劔

章省中啼鳥吏人稀 舒退食從容出每遲

章休問長安舊賓客 舒明朝應作斷蓬飛

第十五齣 邁上

喜遷鶯梅霖妬景看絳染榴屏綠沉藻井角黍包

金香蒲切玉是處龍舟飛競蟬聲花外新聞蝶夢

床頭初醒向屏山見珠簾綴燕華堂幽靜萬里家

山一夢中吳音漸已變兒童每留蜀叟談終日

但覺蛾眉翠掃空莫笑忘言真有道自慚搜句
百無功年來蕭索虛齋臥剩有題詩滿浙東蘇
邁克繩祖武頗讀父書詞苑飛龍天孫爲之奪
彩譚叢揆鳳神女因此傾瀾每舉筆而凌雲似
乘槎而犯斗文旣鮮于貝錦詞復擲乎金聲隨
任到杭幽居累歲枕經籍史銷燈火于三餘襲
冶承弓覲風雲于一旦且請父母聊賞佳辰爹
媽有請 坡王雲上合

前腔奇景難盡處翠隱千山映着湖光冷五馬聲

嘶雙蛾影細只爲宦沉成病孤琴嚮叶朱絃翠筆
淡描冰鏡粧樓曉看荷香十里倪爐烟燼 相見介

坡孩兒請我出來爲着甚事 邁時逢長夏節屆

端陽願開麩米之尊聊寄菖蒲之賞 坡一門落

鬼十口無家有甚心情還貪盃酌 王佳節難逢

愁腸易破且盡眼前之興宜酣膝下之杯 坡邁

傾盃玉芙蓉玉簫驚涼永晝清絕勝蓬萊境還堪

恨椿樹含愁萱草凝懷棣萼懸情我這裡清風半

護珊瑚隱他那裡斜照偏添石壁驚 合金荷進笑

天涯游子問何時一鞭風雨杜鵑城

王雲合

前腔十二欄翠色凝望斷天南信猛堪憐雨過蓮

房紅滿榴裙調咽銀箏湘簾日送花枝迴寶篆香

消烟縷沉

合前坡

我前日制得琵琶詩一首西湖

詩三首朝雲可譜為曲調以侑酒杯

雲當得

北寄生草看鳳尾槽新撥品龍香絃已增歸舟數

字驚鳧迸花條半縷相思病綸袍一曲風流性又

不是雲霞十里寂寥天還勝却畫圖五月清涼境

坡

難逢花下開筵復歌一二

雲

惟欲尊前進酒

不憚再三

北對玉環帶過清江引江上風清門前遇故人屋

裡雲生湖中贈玉鱗初試越羅新還粧畫榜行魚

釣靴刀相逢幽夢醒朝曦迎客繁華境漱灑晴光

映黃帽雨中游白苧閑時聽把西湖比西子真堪

並

淨五扮校尉持手柎上

不是路千里奔程索盡在詞豈六丁

校

門上人那

裡坡

使者到此何幹

校

從容聽官家有旨逮蘇卿

坡

為着何事來

校

莫逡巡更搜詩句為憑證速負

書囊帶月行

坡

蒐難定如今應落山鷄窠孤忠空

勁孤忠空勁

校

相公平日所制之詩俱要取解朝

廷坡

只有二詩現在案頭

校

難道只有二詩大

家去搜尋則個

做搜介一枝云

這一本是昭明

文選

一枝云這一本是六祖壇經

校

這一本

本是漢刻蘭亭帖

一枝云

這一本是晉繪輞川

圖

一枝云

明說晉朝不聞有輞川圖

校

亂

話漢朝難道有蘭亭帖

王

相公儘日題詩本欲

名山之貯連年索句宜為學海之藏不想因此

怖人抑且由之賈罪奈何奈何

坡

昔日有人被

召其妻贈詩口再休落鬼觥盃酒更莫猖狂喜

賦詩今日捉將官裡去這回斷送老頭皮卿今

日獨不能作一詩贈我耶

王作笑介坡

夫死生

有命何必介懷第忠佞無分不能消恨須即離

吳地速赴汴京快遣蒼頭報知白首咳嘆我蘇

子瞻呵

山坡羊

氣冲冲枯波欲迸恨匆匆驚蒐無定慘淒

淒孤忠見疑哭啼啼肝膽憑誰罄嘆伶仃青衫淚

亂傾飛鵬無奈牢籠繫千里風塵半行音信吞聲
一劔空教毛羽輕傷情三尺堪悲煅煉成二校作

催捉起程介王雲合

前腔恨封姨欺花偏緊怨青娥侵荷忒勁似啼鳥
更深亂悲這游魂落落誰相問斷腸聲孤猿三峽
愁難醒鵬鶚呼風蛟龍落弈偏驚不斷殘陽一片
明孤行又是蒲帆半幅程琴上天有不測風雷人

有旦時禍福我琴操業已爲尼忽聞蘇老爺被
逮須索送他則個相見介坡只因饒舌遭此斷

賜謝卿唱壹驪駒恨我災成鼠雀琴罪孤臣于

既請遠悲雪上加霜起公論于未湮定擬雲開

是日坡就此分別莫得稽遲

憶多嬌愁難說冤莫泄花開偏是遭霜雪淚染胭
脂雙袖血合愁魂斷絕愁魂斷絕轉眼英雄挫折

王雲

鬪黑麻賜斷淒風心摧破月怕翠印羞蛾紅潮滿
頰憂莫寫計難設路草霜雕池蓮粉歇合幽懷迸
裂回頭瞻殿闕病鳥聲哀飛鴻翅折邁

憶多嬌悶轉結心更熱隔斷天關難剖雪空酒啼
痕添哽咽 合前琴

鬪黑麻纔上秦樓又奔漢月怕回首天涯殘笳聲
徹愁更疊形還子你離恨淒涼我夢魂飛越 合前

坡

鷓鴣天漂零風雨苦離家愁殺無情白鼻騮 王共

道魚腸埋楚岸 雲誰憐鵬鳥賦長沙 邁愁似織淚

如麻 琴不堪枯樹隱殘霞 合應悲去路霜前草莫

問歸期陌上瓜

第十六齣

頽秦同上頽

夜游湖世事千秋悲掣肘念鴿原早晚含愁 秦冤

雪飛空怒虹貫日鶯釜隔忠懷誰剖明月不長圓

君恩有時薄早知行路難可不老丘壑 相見介

頽小弟舊自理官召居諫院遊人焚草儘懷匡

主之心逢使寄梅空滴思親之淚况鴿鴿原上

旣惜離羣而鷓鴣班中寧甘久別且吾兄之事

由王介甫餘虐以兆禍胎詞章子厚當權遂張

讒口小弟正欲上書闔闔解職救兄還期借劍

尚方奮身誅佞更鞭王介甫九原白骨庶顯蘇
子瞻一點丹心既事同兄弟反兵之讐可報而
途分邪正蓋棺之論始彰出自痛腸裁諸尊意
秦麟愁鳳泣弟兄固當叩關兔死狐悲親戚亦
宜伏闕第聖主之威方熾奸倖之焰正張倘起
株連波及之謀不無林木池魚之禍則彼奸愈
恣勢若崩山我黨益孤衆將下石不如徐埃可
作後圖頴真爲讜論敢不敬從兄嫂想卽進城
我輩自當出郭秦同迎遠駕聊洗愁襟頴

黃鶯兒荆樹隔三秋怯鬼飛不繫舟池塘春草添
孌憊雙龍頓愁孤鴻怎投悲啼怕是相逢又合恨
悠悠洛陽雖好不是舊時游秦

前腔蹇步恨驂駟嘆英雄老黑裘何緣更掉風波
口魚梁餌浮蛛簷網投謫居那得蓬萊又合前暫

下坡王雲邁同上

夜游湖落鳧何曾重索酒罹風波羞殺盟鷗淚灑
巾邊禍來天上淒涼債憑誰消受坡千首文章二

頃田囊中未有一文錢算來却是能言鴨驚破

王孫金彈丸自家蒙肯速繫將到京師你看垂
揚起恨亂草生愁好不感傷人也 坡邁

黃鶯兒 疲馬不勝愁鎮悲看水獨流楚雲滄海羞
回首魚嗟鼎游蛟悲涸投帆歸錦水何時又 合前

王雲

前腔 兩度渭城頭看斜暉隱亂流蛾眉感損湘江
口囊嘶劓緜裙寒石榴荳花况落村籬又 合前 賴

秦上 百年世事如流水一旦相逢怯夢魂 相見

介

哭相思 頃刻重相携手好教人血淚雙流 坡 忠而

見謗冤莫可伸屈首受辜愁腸怎浣想當初呵

啄木兒 離千里寄一州潦倒西湖間煮酒又誰知

九尾妖狐却驅人萬火奔牛災來平地風波驟詩

題彩管遭讒詬鍛羽西風雁影羞 坡 夫人邁兒與

朝雲可暫寓在叔叔衙中徐爲歸計 王雲邁

前腔 黃金盡血淚稠回首芳菲逐水流被奸雄蕩

肆懸河寄妻孥鴻宿荒洲東風殢得紅顏瘦枯鱗

望斷西江口雨慘雲愁咽楚謳 賴 義不反兵怒還

指髮但重閣有阻綿力難支徒悲淚洒風前未
得冤鳴日下
三段子無端起愁恨萋萋繁霜頓秋何須怨尤料
溶溶浮雲便收明朝擬候長楊漏忠冤難向明庭
剖只得把手孤悽有淚空流秦室裡災來須得纓
冠相救舟中浪起豈容袖手旁觀第口舌難爭
肝腸徒痛耳

前腔豺狼肆謀這詩章偏來浪搜鸞鳳被囚這冤
懷何時便勾堪憐同室人相鬪扁舟浪起冤相構

你看眯目糊心誰念忠猷內云聖上有旨將蘇軾

發到西臺會問須索赴審毋得稽遲衆哭介穎
秦不肖輩業在官聯恐生吏議邁兒伏事便了

歸朝歡合危途裡危途裡心中暗愁遭狠毒難教

寬宥臨崖馬臨崖馬韁繩怎收從今去端只是花
殘玉剖堪恨雨翻雲覆加凶手波飛浪起張護口
怎揀得萬里微骸覆一杯

秦何事闌干淚濕衣坡請君看取髮邊絲
穎丈夫漂蕩今如此雲却話巴山夜雨時

第十七齣

淨扮張操丑扮李定上

步蟾宮 聖主威靈嚴斧鑕 恁吾儕羅織何辭高才

何事莽題詩惹得浮雲蒙蔽 張 下官知諫院張操

是也 李 下官御史中丞李定是也 蒙肯着我兩

人勘問蘇軾須登政事堂者 張 蘇軾以詩謗至

其罪似未甚重 昨日章子厚着我輩重處他老

先生意下何如 李 章子厚乃朝廷重臣敢不唯

命 衆稟介 蘇爺到了 坡上

前腔 萬死空悲揮涕淚 遭奇禍自嘆淒其人生朝

露怯烟飛此際愁懷誰訴 相見介 張 聖旨着下官

勘問老先生須得從實供招 免受刑法 坡 我且

問你蘇軾有何罪可招 張 聽我道來

錦纏道 謫居時怨君王揮毫賦詞兀自個行短心

癡 朝廷發錢本以濟民你說道音語兒童鎮日裡

城中住馳朝廷興水利你說道變桑田東海應知

朝廷禁鹽又說道解齊韶三月無滋俱作數行題

只圖個懸河掉電准備着呼霜搶地蟬聲吹赭衣

早悔却從前作事笑區區三寸惹災危 坡 這詩雖

是蘇軾做的其實出于無心朝廷安得以此罪
天下士

前腔論當初荷君恩金蓮賜歸弟和兄侍立銅螭
爲訛言向三刀迴避本是木天樓青藜校詞翻做
控蒲鞭五馬聲嘶雖則是浪題詩止不過消磨歲
月誰敢把明庭譏刺說起痛傷悲這一派忠寃誰
洗恨天閻釜隔淚淒淒李你譏謗朝廷有不臣之

意 坡 那見得不臣 李 聽我道來

前腔築蘇堤六橋邊紅裙醉携霜毫弄暗裡相觴

逞風騷將心事都付錦箋題道朝廷遠謫去憂心
如厲因此上殘蕉獨賦向隅悲試讀檜枝詞掉舌
刺當時這根株深泉無曲處分明是妬殺九重飛
便是吟風情致怎說得世間惟有螫龍知坡 我自

咏檜何預朝廷

前腔淚空揮恨奸邪把忠良禁持心中事惟有天
知誰着你指鳳爲鴟做不得醉陶潛霜籬酒卮據
則個笑東門黃犬難携浪洒着青衫眼淚便燃枝
焚雉千載汗青詞應寫着忠懷俠氣便翬飛劍底

又何悲

邁上

白首空依玉丹心漫對人自家蘇邁

蒙叔叔分付前來打聽父親消息且在此伺候

則個

張

我和你且做審語將犯人發到獄中便

了衆做拽坡出介邁見坡介呀爹爹如何是好

坡這都是章惇這厮囑托了問官我也有口難

辯如今我到獄中倘朝廷有害我消息你送飯

時須將魚爲膾使我知覺便了

邁

曉得了

哭介

古輪臺各含悲眼看頃刻踏危機一生詩舌偏爲
崇孤燈夜雨枯樹寒灰都付與圓室螢飛雲度天

邊黛消閨裡淒涼更有斷腸詩怕依叢煬竈指口

間難免誅夷寄語着堂前白雪房中紅粉堦邊碧

棣回首頓分離徘徊望不知何日赦金鷄

坡邁下

介張

審語已成不免先去回覆章相公把與他

看過然後奏聞便了

李

正該如此

張可憐桃李斷腸花

李

冷露無聲恨獨賒

張誰念爲儒逢世難

李

却令今日死君家

第十八齣

老程上

唐多令 游子客途賒傷心盼漢槎遠書無雁到雲

中隔在盈盈衣帶愁亂草咽清笳西山烟雨捲疎
簾北戶星河落短簷不獨江天解空濶地偏心
遠似陶潛老夫人自解一官又經數載軼兒謫
任武林未獲賜環消息輟兒召居諫院猶然落
鳧規模兼之雁斷衡陽魚沉湘浦當此桑榆之
景不勝鹽米之愁程雖是如此但二子壯歲服
官兩人暮年無恙亦爲幸耳老

桂枝香青門豪邁終南瀟洒心驚賓雁雙翰目斷
孤雲一帶誰憐鬢華誰憐鬢華空有羅襟淚下秋

懷誰寫盼天涯吳越低孤樹河梁隱暮鴉程

前腔歸期有在歡娛有待忘憂砌草慵看夜合庭
花空對川原望賒川原望賒誰爲淒涼償債况兼
窮敗恨無涯雨擊庭前幌風敲窓上紗僕上才名

果累人風塵到林莽鴻飛雖冥冥其柰遭天網
報知太老爺太夫人大老爺不好了老程爲着

甚事你快說來僕被舒御史所劾就逮進京性
命尚不可知老程哭介原來兒子遭了奇禍兀

的不痛殺我也僕太老爺太夫人且寬懷吉人

天相或有脫禍的日子

老

醉扶歸怨題詩筆底飛光惟披忠簡上惹危災本

圖他風暖牡丹開又誰知霜勁芙蓉敗見呵他風

流頓折豫章材我悲啼怎避西河害

程

前腔落牢籠怎了鄒陽債這禍根苗端爲子雲才

怕堂怡燕雀盡爲灰鼎游麟鳳寧辭醢我堂前顛

望鹿車來他天涯剩有驪珠灑

尾聲淚滿腮心驚駭孤忠偏是致人猜弄得我夢

斷斑衣兩鬢皚

程 淒淒游子若飄蓬

老 凍雪摧殘塞上鴻

程 愁別自驚千里外

老 可憐半死白頭翁

金蓮記上終

金蓮記目錄

卷下

第十九齣

飯魚

第二十齣

控代

第二十一齣

重貶

第二十二齣

蜀晤

第二十三齣

賊鶴

第二十四齣

詬姦

第二十五齣

量移

金蓮記

卷下

第二十六齣

驚譌

第二十七齣

焚券

第二十八齣

賜環

第二十九齣

釋憤

第三十齣

同夢

第三十一齣

慈訓

第三十二齣

覲聖

第三十三齣

便省

第三十四齣

證果

第三十五齣

接武

第三十六齣

晝錦

金蓮記目錄

金蓮記下

第十九齣

淨扮獄吏上

梨花兒人做官兒件件有我偏靠着赭衣囚索些
錢兒索些酒啖這樣官兒不如狗自家獄官便是
前日蒙上司發得罪人在此叫做什麼蘇軾粧
模做樣真是蘇州式樣這也不在話下舊例進
監的有些見面錢油火錢他如今一些也不採
可惱可惱不免待他出來處置他一番多少是

好坡上

十二時南冠空自愁奈極目蒼雲遠岫衣上蒙塵
管中生憇日夕含啼况復傷秋看腸斷西風時候

我欲歸休瑟漸稀堪悲秋着緒囚衣多情白髮

三千丈無用蒼波四十圍晚覺文章真禍藪誰

知富貴有危機不堪寂寞文園令坐聽寒蛩徹

夜啼自家坐誣入獄抱怨泣囚萬里關山時切

白雲之望千秋塵土怕為赤族之誅當此新秋

頓添幽恨獄吏你這犯人是那的麼舊例錢也

不送我些是何道理坡

紅衲襖我本是待漏的列鵷行冠蓋儔操觚的煥

蛇神詞賦首端只為墨狼驕飛越三江口因此上

劍龍嘶淒涼八月舟到做了楚大夫銅版羞怎免

得賈大傅承塵疾怕對西風弄蒯緱獄吏你却緣

來是一位官長然官無大小要錢一般依你這

等說來你難道不要錢的我如今謀得這個風

憲衙門也要撰些銀子拿回去造屋買田供家

養眷都似你這樣一錢不捨我難道在此吸風

也用動個本乞骸骨歸田了

坡

前腔我雖則是挽熊車四海游只落得妬跌錢偏

不受做不得無心雲自迷巒岫識倦禽還覓樹頭

怕泣華亭被鶴羞痛鍾山遭猿詬只落得血淚愁

深咽不流僕上好將呂望魚送與賓王獄自家蘇

傑便是大爺在獄連日是大官人送飯今日大

官人尋鄉親寄書去了因二爺差我送飯在此

不免進去則個獄吏到那裡去僕是蘇二爺差

來的望乞放我進去坡見介苗飯在此你先回

去罷僕誰想文園客翻為姜里囚下介坡看飯

介不好了恁的飯中有魚是死期到了泣介

小桃紅丁頭就網鮓尾吞鈎涸轍苦相投也縱壑

知無日含餌自空羞思比目淚偏流謾說道躍龍

門游鳳池占鰲頭也發笥摧梁遑恤後如今呵骨

鯁生愁却向釜中游死期既逼活路無尋不免題

詩二首寄去子由一則與他永訣二則報與雙

親做題詩介獄吏你只因題詩致有今日兀的

尚要弄筆頭也坡

下山虎龍鱗空觸鯨甲驚秋盆覆冤誰照難沾帝
澤優游做不得渭水英雄反學了湘潭怨尤想雙
鯉緘書淚自流到不如濠上忘機鼓日在鼉宮蛟
數終難振鬣西江口看魚腸自羞豈是長鈇歌聲
丙穴愁 吟詩介 柏臺霜氣夜淒淒風動琅玕月向
低夢遶雲山心似鹿蒐飛湯火命如鷄額中犀
角真吾子身後牛衣愧老妻他日神游定何所
桐鄉知堊浙江西聖主如天萬物春小臣愚暗
自亡身百年未了須還債十口無家更累人是

處青山可藏骨他時夜雨獨傷神與君今世爲

兄弟更結來生未了因 獄吏 想這詩又是怨謗

朝廷的了不免搶去首他 做奪詩介 仍揮三寸

管更惹九重威 下坡 我做得幾句詩本欲寄與

子由不想又被獄吏搶去真好苦人也呵

蠻牌令 江湖隱不能穀泉石居難自由揀魚腹埋
身無蔽肘龍陽棄枯肆游避不得身烹鼎鑊悔當
初莽惹綸鈞要尋條活路呵猛想到鱸肥早秋又
何殊綠木相求

尾聲遊鱗恨落他人後桃花流水半含愁今夜呵
怨氣冲冲結蜃樓

向晚茫茫發旅愁無窮歸思滿東流

中宵能得幾時睡空戴南冠學楚囚

第二十齣 末扮黃門官上

點絳唇宮燭燒紅更籌初送祥雲擁靴上霜濃天

樂簫韶動月照千門响佩環東華光曙映南山仙

音一派飛龍近香氣先傳鸛鷺班自家黃門官
是也今當早朝時分恐有百官奏事只得在此

伺候 賴上

么客淚沾風鄉雲入夢愁懷重敢叩銅龍要把孤

忠控鴻雁已驚折足恨鶴鴿偏抱覆盆冤下官蘇

轍因兄坐誣成獄衆奸攢害百口難分特來叩

關陳情願得解官贖罪今值早朝竟入則個朝

見山呼介黃門朝見已畢百官退班 賴臣有小

疏冒奏天顏 黃門 有何文表就此披宣 賴

刮鼓令蘇轍奏堂皇念臣兄沐寵光災起詩詞投
狂狴羅撫誰憐裂痛腸六月恨飛霜便毫揮珠玉

豈為嘲謗願吾皇威霽春陽益莫令冤淚流衣裳

黃門想蘇軾自負奇才覬臻顯秩今置外郡中

多缺望耳 類

前腔三刀治績揚節懸魚頌素羊敢把朝廷來譏

諷抹月批風聊自徇手足義偏長願褫臣職歸林

莽好將縲綫孤臣放莫教風雨斷人腸 黃門 下官

與你轉達天聽你且退在朝房候旨 獄吏上 劍

佩猶含露旌旗尚帶星小官 獄吏捨得蘇軾詩

詞二首特來奏聞聖上 黃門 獄吏有何文表就

此披宣 獄吏 臣 獄吏捨得蘇軾怨詩

前腔他道是惆悵柏臺霜動琅璫月向窓夢遶雲

山心似鹿 冤冤如鷄 怖火湯犀角是兒郎牛衣身

後蘭閨望神游他日知何向浙江西去 堊桐鄉 黃

門 你且出在午門外聽旨發落 下介 類 你是什

麼官兒在此奏事 獄吏 小官是獄吏捨得蘇軾

怨詩二首特奏朝廷 類 詩中怎麼樣說 獄吏

前腔他道是聖德似春光恨愚臣身自亡最苦百

年難了債十口無家淚雨汪白骨向山藏他時夜

雨神還愴與君今世相親傍來生更結弟兄行類

補此詩乃是寄與兄弟的如何說他怨謗朝廷這

官好生無禮獄吏與你何干類你不曉得我就

是他兄弟麼獄吏如此得罪了黃門上

神仗兒恩波浩蕩恩波浩蕩觀仁過黨况鳴冤疏

上兼筆底情詞悲愴須曲赦謫黃岡聖旨說精誠

之佐每緣詞賦寫忠大度之君不以文章罪士

補今蘇軾情揮兔管怨主之心實無蘇轍血酒瀾

頭救兄之念甚切且覽獄中之作情甚宜矜則

知疏內之詞忠猶可亮姑發為黃州團練副使

安置謝恩獄吏我本欲假公濟私誰想他因禍

得福有何面目再見蘇公下類

滴溜子蒙聖主蒙聖主天恩高曠離園土離園土

謫居遐壤追憶前王寵貺金蓮撤殿前奇才曾獎

看萬里孤臣飲惠無疆

尾聲一朝提挈雲霄上泛扁舟楚江凝望怕巫峽

孤猿泣夜長

目傷畱滯去關東 露冷蓮房墜粉紅

今日莫論腰下組

楚雲滄海思無窮

第二十一齣

雲抱子同王上合

金蕉葉千思萬思滯他鄉愁腸縈係有誰憐狂狷
傷秋還喜却熊羆呈瑞訴衷情燒殘絳燭淚成痕

街鼓震黃昏碧雲又阻佳期斜月又侵門

雲愁

永夜拂寒裯待誰溫夢蘭憔悴擲菓淒涼兩處

消菟

王

自從寄寓京師每日思歸鄉國時驚飛

雁人誤書麀第無春日之溫頓起秋風之感

雲

時悲旅食再換征衣旣因離別銷菟復爲死生

歷念衆張讒口雖多下石之謀天相吉人諒有

解網之日

王

朝雲你那裡知道

羅江怨秋榆着影稀鄉關望迷舊游何處贈支機
怕孤鵬折翼怯風吹也鏡裡青鸞羞舞當時翅鴻
隨楓葉飛淚從金井漸慮等閑玉向秦庭碎

雲

前腔凝粧感翠眉幽情怕題鏡臺膏沐爲誰施怕
簫聲永斷玉樓悲也衰柳斜陽一望頻吁氣孤衾

君夢飛寒燈妾淚垂何時夜話床頭細

坡上

金蕉葉菟飛夢飛又訝長途日暮脫鈎魚見月猶

驚離弦鳥聞風還怖

相見介王

呀相公回了相公

既這三尺朝雲又添一丁二喜駢臻一門胥慶

坡既逃狂狴之災又獲麒麟之瑞快抱兒子過

來待我贊他幾句人家生子愛聰明我被聰明

悞一生但願此兒愚且蠢無災無難到公卿王

贊得好坡蒙旨安置蠲吉起程奈楚地荒涼難

停馬足况蜀江寂寞正候蛾眉卿且回家吾當

赴任

羅江怨雙輪千里馳荒涼怎支秋河隔在數峯西

只怕迢遙路遠損雙眉也一捻香娃怎向他州去

我東征湘水湄你西歸蜀道隈好殷勤寄却堂前

淚

王

相公千里遠行豈容孤另舅姑百年暮景最

是淒其待妾歸家親供菽水朝雲隨任奉薦衾

稠

雲

庶難擬嫡敢當寵擅專房妾可侍姑惟願

早歸故國

坡

下官之心亦知未妥夫人之命豈

可有違朝雲隨我之黃邁見奉母歸蜀罷

王

前腔相逢頃刻時離情又催心如膏火有誰知伯

勞東去燕西飛也一縷香魂便逐流波逝

雲

我羞

描鏡裡眉你空彈絃上絲雲收雨散頻揮涕

類秦

邁同上

臘梅花離情萬斛空自悲鄉關一望雲遮蔽寄語

秋雁飛尊酒庭前一樹垂楊折與誰

相見介坡丈

夫蹇謫黃岡妻子遄歸錦水何殊星散怕見雲

飛 類秦 方脫楮衣又游赤壁安得輪生四角堪

憐腸斷九迴聊進離尊敢言祖道 進酒介坡

園林好吾今去銅堤路迷關山遠金壺水低羞孤

劍還荒遠滯知甚日返京圻知甚日訪庭幃

類

前腔尊前酒鶯原可悲風前淚鴻洲謾揮怎忍得

臨岐牽袂知甚日得雙飛知甚日得同棲

秦

江兒水萬里驪歌沸三秋雁影稀玉陽險道難迴

避瀟湘一望應無際林端楓染離人淚猶自臨行

寄語便是雪調驚人休被霜毫爲祟

王

前腔籠裡舒鵬翅鞭鞘促馬蹄千山不掩愁來路

紅顏含涕三川去青衫應灑長沙淚

對雲低唱暗

對湘娥細語你那裡雨濕征鞍我這裡香銷孤被

雲

五供養瑤琴欲碎寶鏡無輝環珮空歸楚山雲外
斷蜀國望中迷况是深宮腰細却難禁霜雕風殢
相公呵馬嘶驚蝶夢夫人呵鸞舞恨蛾眉真是兩
處相思一般縈係

邁

玉交枝西風愁緒看天邊霜紅亂飛椿枝影薄禁
風刺進螺盃無限欵欵斑斕羞舞西去衣啼喉偏
咽東流水還恨着荒涼路微望不斷千山盡期
川撥棹臨期淚洒秋雲千萬縷望新亭遠草萋萋
望新亭遠草萋萋又何年相逢酒卮看雙鴛各自

啼恨雙鴻兩處飛

尾聲臨行浪發青衿淚隔斷雲泥人世方信今朝
是別離

坡出盡平川未到家

王多情長自惜年華

邁此時相見又相別

雲水自潺湲日自斜

第二十二齣

老程携稍水上合

逍遙樂天際空回首萬里鸞書何處有金風羞自
訪西疇蒼雲懸念翠嶂凝愁黃菊驚秋

老自家老

泉是也因執兒下獄轍兒滯京離恨一天愁懷

萬種訪女兒于別墅借老拙而同舟木落孤村
雅覽山川之勝槩稻香故苑兼看穡獲之收成
金井水紅花霞滴楓如染霜凝草易秋遙望鳳凰
洲淚空流青猿聲闐猛憶他鄉游子怕見水中鷗
恨千里客淹畱也囉看丁開丹嶂翠合蒼屏馬拂
仙雲目斷萊衣雙袖千莖白髮淒淒賦愁三江紅
蓼頻頻上樓桑榆無主怎度黃昏候不免泊舟在

此隨喜片時

王邁携稍水上合

前腔歸路隨鴻影愁懷賦鷁舟畫角半驚秋恨悠

悠朱顏非舊遙憶湘雲楚水一望萬山稠料世態
等浮漚也囉想是閑中作賦醉裡題詩樓上攤書
阻滯天風歸袖蠓蛸門戶烟霞故丘荒蕪園徑庭
幃白頭鷓鴣裘冷難過秋時候

王

前面舟中坐着

一個老翁老嫗好是舅姑一般邁兒須臾舟細
認則個呀果然是公公婆婆也

老程

呀媳婦孫

兒回來也

各悲介老程

快將你丈夫行徑細說

一番

王

聽稟

玉鶯兒冤情已剖嘆分離東西水流可憐他鍛羽

天池暫時間寄跡他州且喜朝雲新得一子肥帶

往往所去了紅奩遠投香雲半鈞看淒涼孤苦殘

砧候合漫傷秋相逢細話舟泊小溪頭老程子既

無恙孫又新添還寬白雪之懷稍拭青衫之淚

前腔舒開眉皺恨孩兒黃岡逗遛我老生涯鷗水

相依他舊風流鴻塞荒投黃花酒甌青蟬蒯緞何

時歸路兒童候合前

老天涯一望斷人腸程愁聽青猿夢裡長

王莫恠臨風倍惆悵邁三年楚客已沾裳

第二十三齣佛上

鐵牛不可控怖鴿終難安解得空中絮可與共

譚禪自家佛印便是為度子瞻而來在京時料

他有杭州之行在杭時料他有黃岡之貶便在

今日也預知他改謫瓊崖只是不好道破耳他

昨日差人接我我正要與他細論心曲不免走

一遭也呵下介坡携稍水上天波迥碧虛落落

子雲廬盡是王孫路何人問謫居自家携朝雲

并過兒來到黃州半載有餘一家無恙幅巾小

僑備宜出入烟霞野老田夫相與追隨谿谷近
營小築自號東坡今日公暇曾約黃山谷與印
禪師再游赤壁恁的尚未到也 黃佛同上萬壑

西風上髮毛相期湖海共持螯瀟湘一夜青
嘯喚起枯禪萬念消 相見介坡太史禪師願登

青翰之舟共覽黃岡之勝 黃佛學士你初當七

月之時早挹三秋之景何事重尋山水相煩復

列杯盤 坡勝景難逢舊游可再就此前佳黃願

得奉陪 佛前面浣衣美婦白腿堪誇願與太史

學士聯吟一首 黃坡請禪師首倡佛玉筋插銀

河 黃紅裙蘸碧波坡再行三五步沒入老僧窠

黃休得取笑且進酒者 坡欲罄千鍾須行一令

佛請太史主盟學士糺酒 黃我要說四物相似

者又須叶韻我要美的美妓房象牙床玻璃盞

百和香 坡我說光的研椒槌柳條斗男子陽和

尚首 佛我說穢的推猪水臙瘡腿婦人陰鬍子

嘴 黃笑介公何相報之速耶佛你看雲暗秋深

霜雕木落好景致也呵

北新水令暮秋光景冷瀟瀟片帆飛頓驚寒峭憑
虛瞻雪海羽化隱銀橋滿目風濤滿目風濤到不
若歸來好內作吹簫介黃何處好簫聲也坡

南步步嬌蘭橈桂楫隨波棹秋水連天灝誰人譜

洞簫菊秀蘭芳佳人空悼幽壑舞潛蛟回頭方識

烟霞傲黃子瞻看風波好險也佛前途還有險處

哩

北折桂令大江東湧浪驚濤只見龍窟銀粧蜃闕
烟飄問前途淚噴狂瀾雪捲秋潮你道出樊籠冲

天一鶚誰知雁弓弦泣露孤雕更有塵囂蛻羽難
逃除非是濯足江湖閃鬼林臯黃聽禪師所言子

瞻也該解悟了坡我也無心作宦有意逃禪奈

時方多阻勢不自由

南江兒水願戴鳧鷖笠羞簪鶴鷺翹扁舟欲向荆
溪老堪悲日月籠中鳥何時放翮棲山島雅意參
求道妙做不得桂樹風吹更難言蓮花泥淖衆扮

鶴上舞介黃呀空中好隻白鶴也佛你看此鶴

真得自在也呵

北雁兒落帶凱歌回來往着蓬萊桂馭遙歸宿着
瀛岫松虬小全不學凡鳥奔馳日夜勞也不受人
世弓和繳他是守清虛愛寂寥也不去覓鸞衾剪
鳳翹羞鼓鴟鵬翅長隨龍虎窟也不屑聞野鳴臯
敝衣長伴商山皓不染炎囂却彊如尋枝怖鴿號
坡此鶴果然得自由也

南僥僥令華亭空洒淚衛駕謾相邀怎做得十萬
揚州長不老到不如伴蒲團過幾朝鶴下介佛今
日之游不可無詩坡如此禪師請先佛還是太

史與學士先賦黃人生不若醉游樂坡誰個昏

迷誰個覺佛腸斷西風飯裡魚夢回赤壁舟中

鶴坡這兩句是禪師舊時的隱語佛可曾驗過

了麼坡前日園扉之事今朝赤壁之游俱已符
合但後面二句尚不能解佛留待後日自有分

曉

北收江南呀誰沒個參禪的伎倆呵向碧落好飛
翔端只爲愛河慾海起波濤名韉利鎖不能逃這
塵緣怎消何日裡乘風駕鶴上層霄黃人世俱是

空虛功名安得長在何事永沉宦海不宜久負

山靈

南園林好寄人生
蜉蝣暮朝笑榮名
獼猴舞招奈
被風塵紛擾知甚日
解金貂知甚日
解金貂未扮

道士

天邊長自如飛鷗
隨着仙翁去住閑多

少荻蘆焚不盡却畱清影在
人間敢問蘇學士

赤壁之游樂乎

坡

殘山剩水可以目窮
明月清

風不用錢買興真無限
樂自有餘

道士早知真

樂處何事戀微官

小介坡

呀這道士憑虛而去

莫非就是飛鳴過舟之鶴乎

黃造化小兒乾坤

大夢幻裡黃冠白氅原是山禽
世間紫綬金章

寧非野馬

佛

蟻游槐上舉世皆迷
鹿覆蕉中誰

人曾覺

北沽美酒帶太平
令鳳皇樓班行
曉翡翠屏姻緣
好風流儘可供譚笑
試看吸露花凝霜
草只怕染
秋光易槁怎能勾
春色長嬌問天邊
孤鶴但轉盼
向層雲了恁呵
直待途窮日暮鐘鳴漏曉
呀這其間誰識破
今日根苗

北清江引醉游赤壁攀虬豹好把靈均弔還將碧
落參猶被紅塵擾惟願你擲華簪游舊島

第二十四齣

琴上

唐多令紅粉坐蒲團青眉解問禪隨風早是赴長
安又覺秋光零亂人不在恨悠然經年一別對禪
棧門外紅塵總不知聞道故人天外去非非想
後復非非自家俗名琴操法號天然萍想十方
雲游四海與王朝雲數年相別且蘇學士一字
無傳憐奴錫卓京華本擬借完果誰奈彼槎浮

楚水堪悲又隔風塵借居妙覺禪林徐尋彼岸
暫伴圓通觀主共啓迷途道猶未了觀主到來
丑扮觀主上我做尼姑是陰佛專向和尚尋陽

佛陰佛陽佛一般佛得佛佛時須佛佛小尼圓
通是也天然寓居荒山到此扳話則個相見介

琴寶刹雲停多蒙款待觀茅菴露宿愧乏看承

今日丞相拈香敢煩師兄陪款則古刹生輝小

尼生色矣琴丞相是當朝黃閣小尼是出世緇

衣實是未周難以相見觀既游方外休縛禮中

琴背云章相與學士初方指水盟松後反操戈
入室不免乘此機會嘲他幾句有何不可衆擁

章上

出隊子朱宮梵殿朱宮梵殿五色晴雲盡棟鮮清

鐘聲裡鶴參禪香烟半遶燄摩天慧日和風一道

紛然下官章惇是也此聞已是妙覺菴不免進去

觀做迎接請進上香介觀請丞相爺法堂少坐

章做窺琴介呀這寺中為何觀音出現琴相公

弄掃章緣來是一位仙姑請問仙姑是常住的

是雲游的琴暫寓在此章原籍何處俗家甚名

琴生長臨安喚名琴操章原來是蘇子瞻舊表

幸接丰姿願聞因果

石榴花祇園相遇揮塵問華蓮驚人世逐雙丸玉

臺九品照因緣論金沙滿地拖雲玄經妙詮謾搜

尋報復如輪轉還有一言問嬌娥空隱玄都笑仙

郎已入桃源琴滴柳拈沙自證西天獅象飛花流

水休提南國鸞凰

前腔浮漚幻影搔首問青天為甚事肆雄姦今朝

金蓮言
風順駕蒲帆到明朝風息帆收中流自淹看翻雲
覆雨如飛電倘人生裾馬襟牛後來時鎖鳳囚鸞

章

仙姑尚爾青年便銷紅粉雖是一登淨土可

證圓明豈如再入侯家永圖富貴

泣顏回古寺遇神仙使吾儕意惹情牽你桃花歌

扇忍輕拋虛度流年荒涼悟禪論豪家金谷人爭

羨莫空辜落雁嬌容再完成駕鵲良緣琴你傅粉

盈房豈無殊色我洗粧入道不變初心况當漏

盡鐘鳴禍臨眉睫尚自風嘲月弄浪想姿容正

是罔覺災祥不知進退者也

前腔雲堂獨守洗華鉛使君有婦莫問浮鴛紅樓

翠減柘枝枯甘自逃禪淒其度年肯臨風又起襄

王戀料災危曉漏晨鐘漫追歡暮管朝絃琴好將

雲補衲去訪月臨禪

下章

呀這妖尼不別而去

可惱可惱多則是子瞻唆他來嘲我的我有一

計只說子瞻邀游山水放浪壺觴全無悔罪之

心反有玩世之意量移儋耳益罹烟嵐且假刻

朝章傳言物故使他一家啼哭消我滿面羞慚

觀送介章 正是恨小非君子無毒不丈夫 下

第二十五齣 坡雲過同上

似娘兒細雨滴殘秋盼迢迢千里含愁瀟瀟雲縷

拋紅豆問瓜期何日賜環夢斷賦鵬還羞 坡莫負

黃花九月期人生窮達可無時十年且就三都

賦萬戶終輕千首詩天淨傷鴻猶戢羽月明驚

鵲未安枝君看六月河無水萬斛龍驤到自遲

朝雲自與夫人別後且喜兒子長成只是目斷

椿萱心懷荆布青楓江上誰憐歸雁無書白帝

城邊但恨啼猿有淚秋天曠遠古木蕭疎且上

竹樓遙瞻玉壘 雲 愁窺白髮雖懷遠謫之羞意

別青山堪譜思歸之引既期迴眺就此同登 過

正是欲窮千里日更上一層樓 做同登樓介坡

梧桐樹身憑百尺樓目斷千山秀三徑雲迷隱約

門前柳傷秋賦寂寥多病成迤逗吹笛誰家惹得

雙眉鬪英雄氣短偏憔悴 雲

東甌令楓凝血草含秋愁深如病酒青猿泣雨黃

昏後寬褪芙蓉扣孤雲亂樹阻歸舟腸斷一登樓

僕上 既無音信歸巫峽又合風波到海邦稟老
翁聖上有旨量移老爺儋州安置欽限就要起
程坡果有此命快討船隻就此前行僕領鈞旨
坡 朝雲我懶朝與世相違幽居未苦縱飲拚人
共棄遠謫相宜第萬里迢迢更有烟嵐之瘴一
身寥落豈無泗涕之流聖朝未荅涓埃空馳海
國多病况兼遲暮怎渡江濤雲黃菊頻開淚裡
傳將歸思紅顏頓老夢中到得家園那堪又泛
樓船遠隔錦江秋色誰念慵調鉛粉徘徊玉壘

浮雲過暮歲孤征空有歸心問水滸年遠邁打
嗟旅服沾霜但臣則忠君怎避羊腸九折而子
當隨父更悲猿泣三聲坡

大聖樂瞻西蜀蹙破眉頭料家鄉重到否啼痕濕
透江州袖從此波上宅水中樓瓊絃罷却西窓奏
玉管空携南海浮孤帆遠去蠻烟嵐雨毳帳霜裘

雲

前腔笑朱顏浪蕩鴻洲怯羅裙千里游紅潮滴滿
楊妃袖愁脉脉思悠悠銀箏莫弄猱猿吼翠帶應

寬曉蟀啾迢迢途路風塵難避瘴厲堪愁僕船隻

俱已完備請老爺起程做登舟介坡一天秋水

萬里征人屬望山川不勝淒愴雲料得生還豈

正為死別不須過慮且自寬懷坡風雨

解三醒嘆風波龍嘶海口駕桅檣蛟奔江頭滄浪

大葉羞回首看兩鬢漸驚秋侵帆暮雨遙相憶泛

海樓船可自由沾青袖沾青袖知甚日菱花重照

知甚日支石還投雲限出

前腔蒼烟鎖長源飛溜暮雲遮古渡寒流崩崖枯

樹霜痕透橫盡鷓逐飛鷗淒風蕩纜沙邊久凍雨

凝帆水上浮驪珠漱驪珠漱何日裡鶯花吹管何

日裡蝦菜歸舟黃佛上逐客雖皆萬里去悲君已

是十年流蘇子瞻請了坡敢問禪師還往那里

去佛子瞻你不知自己從那里來還問別人從

那里去黃傍人問我何方去佛笑而不荅心自

閒黃佛下介坡你看這兩入好生快活也

尾聲恨我紅塵落落多馳驟到不如開山問畝此

去呵怕髮髮還應雪滿頭

坡 八月霜飛柳遍黃 雲 江流曲似九迴腸

過 誰知孤宦天涯意 合 泣上龍堆望故鄉

第二十六齣 王上

憶秦娥 分飛久寒巫病楚成迤逗成迤逗怕夜雨

燈前曉霜鐘後玄冬幾夜上陽臺欲問平安無使

來心折此時無一寸菊花從此不須開自從相

公去國妾身到家堪憐歲月奔馳莫問閨闈冷

落正是天邊信遠月下人孤萬戶砧聲况值秋

歸之候一簾花影難消夜半之愁莫寫憂心空

哨遠役

二郎神人歸後記當初綠肥紅瘦到如今十月寒

花霜縷透尋魚問雁蘭茗獨擁危樓一串啼痕香

靺溜憑誰訴烟銷金獸冷颼颼問浪子天邊何日

刀頭

前腔啾啾珠凝帶上香湮袖口腸斷啼猿悲卯酉

朱顏薄命西風萬里荒投我鼠闕寒燈還自守重

門掩黃花同瘦看床頭一派流波浸着筵篔 邁上

雖是家遙千里別那會書寄數行啼 相見介王

孩兒秦樓人去空恨孤鳶湘水波寒竟無雙鯉
盡是傷心之日難尋會面之時邁母親不須愁
煩聞公公去買朝報想就知消息也

轉林鶯游人何日歸渡頭孤雲天半悠悠問衡陽
消息何時有怕寒風透冽鸛表應難消受青髮潘
郎非舊謾追求迢迢歸路隔斷萬山秋王

前腔帶人風雨侵畫樓望黃岡頓使人愁芙蓉隔
岸霜華透這相思怕聽更籌風塵奔走何似舖糜
相守越添憂垂楊陌上應悔覓封侯孩兒你旣通

經史當紹箕裘何不應試汴梁以成進士因而
遠馳湘楚用訪嚴親雖流眼內之珠不吝手中
之線邁公婆年邁慈母身孤兼之室似罄懸誰
辦桂薪玉粒况且才如線短難期紫綬金章雖
身苦離家九迴腸而更切然心懷訪父一舉足
而不忘敢避長征卽當過往

啄木兒黃金盡綠髮秋况孤帳筑筑獨自守祇承
望舞疊斑衣誰料想泣掛征裘念孱軀嬌養年還
幼風霜鞍馬難馳驟路悠悠庭幃遠訪豈爲洛陽

游王

前腔添新怨理舊愁欲別兒郎頻執手怕陶潛悞

却東籬教劉郎早辦歸舟看斷雲野樹羞回首殘

花輦路秋光溜倩誰收啼珠千點好寄少年游

隔尾兩下裡成消瘦無端送下半年愁休忘却長

笛孤吹人倚樓老程急上福無雙至禍不單行媳

婦不好了王邁驚介為着甚的老方纔街上買

得朝報說你丈夫已故了王邁驚倒介王誰道

暫離竟為永別萬里游魂驚夜月百年寵愛付

東流雖來世之緣或能聚首乃今生之恨詎不

斷腸孩兒急往奔喪遺骨免令障海邁孩兒就

此拜別了

香柳娘望千山淚漣望千山淚漣愁腸淒斷江邊

障骨憑誰念嘆孤臣夢懸嘆孤臣夢懸遠謫怨無

邊長辭恨難遣便匆匆遠騫便匆匆遠騫孤驄着

鞭飛虹狎劍老程王

前腔嘆分離幾年嘆分離幾年流光如箭孤忠未

得畱殘喘這冤懷怎宣這冤懷怎宣直案侍香烟

修文等飛電問游蒐珮環問游蒐珮環名留世間
夢歸天畔

邁

遠別空城萬里游

王

楚天多雨在孤舟

程

行人莫問當年事

老

離思茫茫正值秋

第二十七齣

丑扮鮑不平携衆戎服上

北點絳唇紫鐵橫戈黃金細鎖英風播寶劍摩挲
長嘯函關破投筆當年膽氣豪腰間寶劍血瀟瀟
蛟龍豈是池中物一躍風雷上九霄自家鮑不
平儋州人氏畧涉詩書頗成任俠赤松爲侶胎

懸張子之符白晝殺人血染荆卿之劍浩氣隨
虹貫日英風喝水成冰想幼年報却父讐遭誣
坐獄到今日逃爲海寇聚衆桴孤艇震龍關威
宣蜃闕十萬伍雄兵飛將皆能畧地攻城三千
員猛士謀臣豈但如雲似雨壯山河于水底何
懼九泥列介胄于波中不愁煮海只是一件天
涯游子十年消息不通堂上慈親一旦存亡未
審不得名題麟閣徒教淚滴蚕叢雖對日思家
實爲見女子之態而膽雲忘母亦豈大丈夫所

爲意將歸訪庭幃以承歡于白髮兼欲輸誠聞
闔以表暴乎丹心衆僕僮過來我要到儋州訪

親須索前去

衆

領鈞旨

合

南倒拖船提槊戟弄干戈威加海外似天魔似天
魔一派英風搖社稷千秋壯氣震山河震山河譚
笑青萍歸路遠清笳萬里和鏡歌

下坡雲過同上

七娘子淒涼又值同雲候寄孤身冷落鷓裘銀海
生花玉樓起粟竹爐相對添僞憇小重山寂寂遙

天戰玉龍板扉人不到掩寒松路迷海徑斷孤

踪波痕一縷

蜃樓濃

从

從自黃岡移居儋耳雪

深三尺誰憐疲馬于藍關浪捲千重堪訪牽牛

于碧漢冤何由控苦不可言况官舍不容寄跡

愧無尺地將民房暫且安身聊借一枝絮薄燈

孤天寒地凍蠻荒遷客自甘獨守淒涼翠帳佳

人莫怨同擔寂寞

雲

時當悲鳳願共窮愁身已

嫁鷄敢辭辛苦伏願相公少舒醉眼漫憂海暗

三山聊解愁腸竚看春深五嶺

過

行藏任命窮

達由天願勿過憂行當履坦

老旦扮鮑姬上朔

風凜凜到林丘何事多欺人白頭夜盡血痕沾
素帶誰憐隣媪冷颼颼老身鮑姬便是所生一
子不幸漂流際隔十年竟無消息罄將產鬻堪
憐片瓦不存安得人歸恨把柴門獨倚老乏立
錐之地空自養兒餓難數米而炊愧無積穀旣
嗟暮景况值寒天好不苦哩天那好不苦哩 坡
外面是什麼人啼哭不免開戶視之 開門介
呀
原來是房主鮑姬請進裡面講話 姬進見介 坡
雪積寒宵風來曠野人皆火圍而坐爾何露宿

而啼 姬 容老婦稟上

漁家傲誰復念老去愁人怨白頭只爲暮景無依
孤兒遠游家資罄罄難糊口更生儻憊又將桑甕
茅簷賣與君侯因此上恨絕鷓鴣哭未休 坡 你似

喪家我權儼舍願得讓還本戶不復索取青蚨
姬 幸復燕巢更全蟻命垂恩良厚圖報實難 坡
止爲恤老憐貧敢曰踈財仗義我不任德爾何

謝恩

會河陽風雨蕭條衡門暫畱黃蘗白飯度春秋旣

完口食身居聊且悠優兒郎倘是歸來候何須雪
夜蛾眉闕何須雪夜驪珠溜

內做喊聲介坡

金鼓

連天喊聲震地不是赤眉嘯聚定爲碧眼橫行
待我出門一看便知端的

鮑領衆上遶行介

水底魚兒龍劔蛇矛龍劔蛇矛英雄返故丘思親
對雪不覺淚痕流不覺淚痕流

下介坡 四下甲兵

圍住三人性命難逃

姬

方得賜還廬舍誰知又

被干戈好不苦人也

擲破地錦花苦相投花值繁霜候真是愁上添愁

又無個煉石奇謀被燹遭兵血污荒丘淚珠浮排
斷送雪蒙頭

鮑復領衆上遶行介

水底魚兒霜滿征裘霜滿征裘歸家雪涕收回瞻
故里一帶白雲浮一帶白雲浮

下介坡 三軍漸近

萬馬齊來活路難尋生離在即怎生是好
雲死 塋他鄉鬼爲異域料無謀以脫難剩有夢以歸
家好不苦也 坡雲過合

麻婆子兵戈兵戈連夜起恨窮途遭石尤蜀道蜀
道堪凝望怕黃沙瘞黑裘丈夫空自珮吳鈎袖却

拿雲手刀頭拚染紅痕
溜游魂應逐水東流

鮑領

衆上 此間已是我家不免破門進去

坡雲過

驚倒介 鮑携鮑 母親不要驚荒是你孩兒到此

鮑 做認介 果是我兒多年不見如何這般打扮

孩兒避讐海外衆頭目推我爲王今特帶領

人馬回家省親 鮑 生受你 鮑 指坡介 這一夥是

何人 鮑 是蘇學士老爺謫居在此我將房子賣

與他今夜聞我啼哭卽焚左券不索前銀彼是

大德恩人爾當小心拜謝 鮑 引鮑見坡介 謹令

小子拜謝大人 坡 罷余何恩勞卿下拜 雲 對過

介 緣來就是老鮑 之子可保無事矣 鮑 鮑拜介

一封書堦前拜我侯焚券分金滅澤畱非關責後

酬市義應憐人白頭數椽相讓君良厚一飯忘恩

我自羞 合 甲兵收話綢繆草草相逢兩意投 鮑 相

公先前簪筆館中因甚飄蓬海外 坡 與王介甫

一言不合備受流離被章子厚百計相傾連遭

擯斥 鮑 此輩依違權勢賊害忠良若逢狹路之

車當借尚方之劍 坡 垂念孤忠欲除姦佞是允

為世間義士怎作海上強徒

前腔荒投旅髮秋日悲看水獨流蒙恩一命留

羨君家俠氣英風寄蒯緱狼牙早散三千眾燕領

當封萬里侯合前鮑蒙還燕雀之居當盡犬鷹之

力茲且相別後或再逢携如下介坡雲弔場雲

幾乎怖殺人也坡若非老嫗之兒定作他鄉之

鬼且收拾去睡罷

坡月隱高城鐘漏稀雲陣雲解處雁長飛

過丈夫飄蕩今如此共愁聽寒蟬淚濕衣

第二十八齣秦上

高陽臺引萬里征人一腔忠義今朝敷奏金闕回

首烟波鱗鱗細剪殘雪鄉園雲鎖簫聲遠問歸鞭

何日整疊笑貂裘玉樓粟起探梅時節下官秦少

游久宦京師忝居諫職恨章子厚姦謀太肆陷

穿名儒令蘇學士忠悃無伸永投荒裔故爾霜

飛片牘借劍尚方庶幾日照覆盆賜環逐客未

奉明旨好係幽懷邁上

勝葫蘆背劍囊琴盼白雲停馬足問花村舉目千

山頓覺容顏損幾回長歎掩面欲銷魂自家蘇邁
是也奉母命而孤征奔父喪于僻壤逢人問信
覩物傷懷聞逐吏之無他喜吉人之有相前途
多阻不免暫止京中短牘上陳然後往依膝下
此間便是徑入則個秦數年隔別一旦相逢敢
詢闔宅起居庶慰鄙衷懸掛邁容稟

高陽臺白髮堂前紅顏閨裡偏愁碧海遼絕凶計
譌傳謝蒼穹天祿未絕激切忠懷一片憑誰說怎
忍得視同秦越欲待要陳情片楮謾去控寃雙闕

秦昨卑人已上洗寃之牘想聖主卽有赦罪之

條

前腔心熱六月飛霜三年不雨短章特奏閭闔具
述寃情還經楓陛親閱朝列姦雄結黨能燭竈怕
從中糊塗阻遏筭除了妬花風雨自有照盆日月

衆扮舍人上聖旨已下送朝報在此秦看介右

正言秦觀一本爲懇恩召還直臣勦除姦相事
奉聖旨蘇軾着以禮部左侍郎兼端明殿學士
馳驛赴京章惇發雷州安置永不許叙用吏部

知道對邁云令尊恭喜了邁此雖聖王之恩實

出姑夫之力舉家胥戴沒世不忘

前腔憤雪鷺隱瓊花鶯藏碧柳誰知今日方別潦

倒多年容顏料應瘦怯忠烈崎嶇歷盡纔回首重

瞻雲樹宮闕端的是盛時麟鳳迥異春宵鷓鴣秦

前腔歡悅萬里孤踪十年客夢如今甫得還轍昔

日金蓮應知此會重撤功業平生壯氣凌霄漢雄

心未肯銷滅喜忠義再陪弭筆姦佞終教賜玦邁

小侄告別 秦 尊君即返神京賢侄暫留敝寓一

則重逢骨肉二則進取功名不識意下何如邁

多謝姑夫美意 合

尾聲初逢謾說輕離別指日歸來持漢節天道何

曾虧俊傑

秦寒塞無由見落梅 相逢正值且銜杯

邁若非聖澤深無限 鴻雁那從北地來

第二十九齣 章上

虎狼心性應難改富貴迷人不自由墜馬前頭

還墜馬沉舟側畔又沉舟下官章惇是也昨蒙

聖旨安置雷州只得前行好生困苦我想做丞
相時威靈震王權勢傾朝手指一揮兩班裡鳥
驚魚駭眉頭半鎖滿朝中鬼哭神愁誰知華轂
朱輪竟成水泡孰道銅陵金穴頓作冰山往常
間萬騎千官歡迎旭日今日裡孤囊疋馬獨走
秋風雖然天運循環亦見人情反覆昔日遭吾
傾軋者既快彼之熱心當時藉我扶持者亦遭
他之冷臉正是勢不宜使盡冤不可結深咳悲
河益焉海之晚矣又有一件如今地僻程遙天

寒暑短雪壅昌黎之馬雷慚平仲之羊提起傷
心言之短氣只得趨行幾步又作道理

香柳娘看迢迢路途看迢迢路途同雲無際搥心
應悔從前事恨風寒雨淒恨風寒雨淒衰草妬霜
蹄狂藤刺羅袂聽青猿亂啼聽青猿亂啼回頭自
悲躊躇揮涕

鮑上

疋馬欲追青瑣客雄驍不作綠

林豪俺鮑不平蒙蘇學士厚恩聞他恩肯還朝
須索追送一程也

北醉花陰猛將雄兵傍江水笑吾儕英風俠氣惟

願得千騎散衆軍馳解弓刀去佐邊陲方表男兒
志提寶劔向龍堤怕做了豐城埋跡

下坡雲過同

上十年身不到朝廷欲伴騷人賦落英今日已

蒙環遠賜不辭中路伺淵明下官蒙旨賜環擊

家赴闕在途風景殊自淒涼

南盡眉序一望楚天迷想瑤京浮雲蒙蔽念孤臣

千里疋馬秋歸那章子厚呵朝堂上嫁毒梟鴟仕

途中陰爻碩鼠休教提起撩人意頓灑英雄眼淚

下介鮑上

北喜遷鶯誰識俺懷忠挾義非是我閑弄虛脾追

也麼思頓省得當年豪致因此上貫日長虹猛欲

飛休相滯遠望着前途旌旆好一似舊識威儀前

面一隊人馬想是蘇學士了追送一程有何不

可下介章上

南盡眉序眼血謾淋漓看山頭烟迷蒼樹想當初

人遭顛沛到如今自受流離說不得笑罵由人怎

避得揄挪有鬼鮑上前面官長可是蘇學士麼章

俺是章丞相何人重問窮途騎全不似故交踪跡

下鮑 呀這就是蘇學士的對頭恨不得食其肉

寢其皮如何當面蹉過不免追上則個

北出隊子好教人冠中髮指看猛趨趨龍馬飛管
教他青萍血染杜鵑衣只趁俺將軍八面威呀教
他們狹路難迴避

下介章上

南滴滴子長途裡長途裡泥深草濕愁腸斷愁腸
斷天昏地黑看郊外蒼雲四起淒涼淚滿衣匆匆
裡舊事重題羞顏難洗

下介鮑上

北刮地風呀俺只見樹梢頭日漸西走盡了野路

崎嶇避不得滴滴汗雨沾衣濕影蕭蕭風起驟
蹄怒轟轟霜橫龍尾看看的趕着奸回他那裡蜂
未窺蝶未知那曉得我除奸天使誰着他陷忠良
將聖主欺俺這裡不平鳴早已蹺蹊

下章上

南滴滴金烟迷野寺僧歸急日暮深林鳥飛疾天

涯瘦馬銜殘轡悔勞心羞往跡呀方纔年少追來
也怕是強梁追逼區區此命應教擲此命應教擲

臨崖控馬知何益

鮑上

那裡去拿住介

北四門子笑伊家昔日多權勢到到到今朝何

處歸章大王我止有空囊別無長物鮑誰要你腰

間十萬青蚨氣只斬你肆奸兇老頭顱不免數落

他一番拽到前途殺他未遲你位兒太高心兒太

欺附權臣誰知災禍起到如今冤兒又尋債兒又

催管向着刀頭做鬼扯下介坡雲過同上

南鮑老催殘雲影細途中夢尚馳餘雨聲催天半

寒猶積呀前面誰人拽着一個官兒來也莫不是

綠林豪赤眉流黃巾匹怕驚蛇打草愁將集亡猿

禍木災還及側耳聽停鞭立鮑拽章上

北水僊子快快快走如飛早早早一似雪積

長空夜破圍章前面好似蘇學士模樣鮑果然是

也他他他做了鵬鶚橫秋你你你做了蛟龍

失水坡鮑少年你從那裡來這是章丞相何故拿

着他鮑我我我我趁風行載月歸笑笑笑着他

詆鳳為鴟要要要除却了鼓舌搖唇狐媚兒章

願學士垂情舊好申救殘生坡他政府相傾雖非

朋友之誼曲江同宴實有昆弟之情況已左遷未

應顯戮乞推薄分望霽雄威鮑道道道如今泄

却當時氣饒饒饒饒過了血染舊朝衣

鮑放章介

章

逐臣吹毛洗垢自知積罪如山學士排難解

紛反使措顏無地今擬痛加省改後當圖報涓

涓 拜介

南雙聲子驪遭值驪遭值虜蟻命勞相釋承恩德

承恩德犬馬報知何日程途急程途急馬行疾馬

行疾感惠忘讐撫今痛昔

章下坡

少年雄風既爾

鷹揚直節又同豸觸僕擬奏聞于閭闔君當報

効于邊圉得為朝守良臣勝作江湖俠士切有

厚望幸勿過疑

鮑

倘得先容當圖後報如今暫

別願望佳音

北尾少年家自有鷗鵬志望長安劔氣橫飛料四

海英雄只有咱共你

各下

第三十齣

淨扮館使上

堪悲世事如棋局誰識因緣似夢鬼自家會同

館大使便是前任曾為司獄咳官難驟貴錢可

通神請託當途纔升今職正是仕途偃蹇難忘

白髮之羞宦海深沉不北青雲之路今日兵部

尚書蘇翁出鎮須索祇候者衆擁穎上

哭虔婆旗橫淝水旛懸細柳嘆絕塞黃雲高堂白

首年來空賦宦沉愁兒童望斷歸來候人事無涯

生有涯逝將歸釣漢江槎乘桴我欲從安石道

世誰能識子嗟下官蘇轍向樂家居自號穎濱

居士今蒙內召叨遷兵部尚書既膺節鉞之分

旋耀旌旗之色暫辭上國出鎮窮邊漢月孤明

莫問馬蹄凍雪胡沙長暗空憐龍劍寒霜不免

到會同館起馬則個使做迎接介穎本部出鎮

一應官員不許相見但有太史黃爺侍郎秦爺

來時須索通報使領鈞旨衆擁黃秦同上

海棠春遙瞻驛樹稠愧別家鄉久使通報相見介

黃秦足下節制遐方驅馳孔道分離之念隨衰

草而旋生長別之懷觀野梅而載簇敢烹盃釀

聊爲灞柳之需且拔短毫以佐陽關之曲進酒

介

玉山頽風塵馳驟恨今朝繁霜滿裘謾相驚白雪

盈簪喜歸來黃金拖綬長亭折柳羞問却及瓜時

候合忍斷盃中酒醉千甌驪歌唱徹冷颼颼賴二

公鸞蓋北畱不肖熊車南去量有數年之別可

無一席之娛况兼亂雪堆窓寒燈照枕意欲三

人同睡相看蝴蝶之飛長漏共銷笑問鷓鴣之

血黃秦情深大被誼篤連床既欲譚心還須抵

足賴

前腔風窺刁斗喜相逢梅花驛樓問征途雨雪生

寒杳離踪星霜驚久連床共宿話西窓同銷長漏

合前各睡个生扮五戒禪師夢中上人生如大

夢却笑何時覺至人本無夢知覺亦非覺自家

五戒便是下山抄化不免走一遭也呵

北新水令幾年夢裡蛻蜉蝣笑迷途誰人回首飄

零龍蜃窟出入鳳凰樓悞却真修悞却真修紅蓮

諦難參透賴黃秦俱起介呀這是五戒禪師須索

迎接他做迎接介戒生受列公了賴黃秦久慕

慧明願聞玄奧戒聽我道來

北駐馬聽玉帽籠頭怕烏兔雙九天外走金章繫

肘恁鳧鷗兩翅水中浮千莖白髮頓生愁彩雲易

散琉璃剖嘆浮生誰不朽早教人夢裡悲蒼狗

下 頽黃秦醒介頽方纔睡去夢接五戒禪師與他

講道 黃驚介 奇哉奇哉小弟之夢與子由無二

秦驚介 怪哉怪哉小弟之夢與魯直相同且問

二公他曾說什麼話 頽黃

玉山頽玄關明剖嘆人生風塵水滸看虛名世外

浮雲道繁華天邊蒼狗笑乾坤戲偶誰識得個中

機殼合草草言非謬似莊周東園蝴蝶兩悠悠頽

敢問少游五戒狀貌何如 秦

前腔無塵無垢幻形骸長身隻眸剪青螺襖袖單

條繡曇花袈裟雙袖譚禪說呪早把却無生叅叩

合前頽黃 果然言語相符抑且形容允合三人

同夢千古異聞 坡便服上

卜筭子江湖飄泊多園徑荒蕪久重問霜靴待漏

時不耐聞清漏岐路十年別江津萬里長重尋鴉

鷺序流涕忽沾裳下官蒙聖恩復補端明學士

加陞禮部尚書家人先已入城舍弟又將出鎮

不免向會同館見他則個 使迎接介坡 我有些

認得你使小官不會會着老爺坡我卽是向年

獄中蘇學士也使有眼不識泰山使小官十分

慚惶坡蛇黃牛黃可以療病你這慚惶却是無

用的了且通報則個使蘇老爺襟懷洒落度量

寬洪真世間罕有者走入報介大老爺到了相

見介坡對賴介分離累歲多榮棣萼之懷相聚

一堂實切荆花之喜

玉胞肚多年迤逗這相逢天涯淚流恨窮途落葉

驚分怯殘顏孤雁誰投合牽衣執手話綢繆各問

年華共白頭賴對坡介連枝久隔豈無原上之鳴

同氣重逢再列天邊之字

前腔休文腰瘦問飛鴻何方逗畱料空林秋葉悽

悽恨池塘春草悠悠合前坡對黃秦介風烟路隔

當時懷抱依然霜雪途懸此際相逢豈偶

前腔窮荒奔走料相知金蘭起愁恨災殃花夢龍

毫怯離情粟起貂裘合前黃秦對坡介十年分袂

天涯情若比隣一旦賜環海內幸存知己

前腔瑤京會偶問投荒沾巾涕流喜今朝麋鹿相

依恨當初鵬鳥生愁

合前 賴 哥哥適有一事甚是

奇異昨夜弟與魯直少游俱夢接五戒祖師細

譚解脫密示玄通不意剛接着哥哥 坡 聞老母

分婉之時有異僧授胎之報他一日既然成眇

我數齡常夢為僧今以三君之言合之豈我印

五戒後身耶

前腔 前生離垢這清修今生怎酬脫塵緣一葦西

歸笑虛名萬水東流

合前 賴 黃 泰 合

前腔 龍爭虎鬪料雄心今朝盡勾又誰貪畫閣麒

麟且相盟瀚海鳧鷗

合前 衆 軍 騎 上 介 中 軍 官 叩

頭請老爺起馬

賴 就此相別 坡 纔得合歡又成

離恨勢非得已情實難堪 賴 孤雲乍合零雨旋

歌因龍鉞之長征惜雁行之中斷高堂白髮弟

當便省椿萱荒徑黃花兄望錦歸桑梓 拜別介

坡

鷓鴣天 朔風吹雪滿征裘

賴 一片幽情付水流 黃

咫尺俄驚迢遞路

泰 相逢頓作別離愁

衆 擁 賴 下

黃 回首望獨雲浮

泰 人生聚散渾蜉蝣 衆 上 蘇 爺

多拜上三位老爺 坡中軍官你到我家中可對太

爺說今朝空有鱸尊想指日還乘蝦菜舟

坡二十餘年別帝京 黃柳條藤蔓繫離情

秦來時萬里同為客 合無奈春風欲送行

第三十一齣 雲過同上

金瓏瓠鴻溝初隱凍鸞臺寶鏡朦朧嗟雙鯉不浮

東無心刺鳳一點青螺愁重空淚灑杜鵑紅千里

鄉雲蝶夢中相望無復馬牛風誰憐雙鳳衾初

合社燕何由戀塞鴻 雲過見我與你父親自成

鸞鳳之緣未遂魚蝦之願鯨波寄跡曾遭畫鷁

之風濤鴛帳藏身頗渥貫魚之寵愛追想鵲橋

初駕曾將兔管相投繡虎雕龍可羨賦中鸚鵡

搏鵬薦鶚還期膝下麒麟今汝螢火曾親蠹書

堪讀可將玉管從事韋編想當初呵

宜春令雙蛾怯五馬逢鵲填河牛郎意濃從登銅

雀蘭香頓入熊羆夢猛堪憐舞叶驚鴻猶自念歌

迴啼鳳 合匆匆追思兔管不堪拈弄 過這管呵鴻

猷駿業實資束兔之毫燕侶鶯儔權作引鸞之

鏡追昔綠成孔雀期今慶衍螽斯

前腔蜂媒合蝶使通喜乘鸞睢鳩偶同金籠鸚鵡

幽棲淚滴鮫綃重念孩兒刻篆雕蟲知慈母吹簫

引鳳合前雲你父親恩隆鳳炬全仗鳳鬚寵錫龍

章多憑兔鬣願汝蚤招羔雁令人共羨龍駒

前腔三鱸集一鶚狎向鷄窓揮霓吐虹趨庭學鯉

好教千里驂驢縱碧山中獨羨焚魚青瑣內同誇

鳴鳳合前過孩兒自慚鳩拙怎繩七葉之貂私擬

雄飛少和九臯之鶴欲題名于雁塔當奮志于

鷄窓

前腔歌鳴鹿賦落鴻鴛鸞箋驚蛇走龍鷄碑未解

自慚豚犬才無用點蠅頭黽勉囊螢揮鳥跡何妨

題鳳合前邁上

西地錦去馬空尋殘夢啼鳥虛悵孤鐘寒山鳥雀

瓊花擁回頭自愧歸鴻相見介邁二母過弟自驪

駒之唱間隔廿年嘆鴻雁之羣睽違萬里猿腸

欲斷麋首堪歡雲你父入朝未回且把家下事

情細說一番邁容稟

繡帶兒自當初鸞飛臺空望斷鱸魚秋夢有誰憐
謝豹泣殘風寒蜚聲伴啼紅堪慟猊爐烟燼鴛瑟
塵蒙料今日不堪么鳳高堂鳩杖螺鐘嘆敲食鶉
衣鳧鷗相共

邁對雲介

二母鴻宿湘江烏栖瀚海

鏡裡蛾眉非故鬢邊鶴髮將生

雲

前腔憶鄉園鶯聲春送無奈蠻腰愁重嘆三更夢
醒鯉魚風自嗟蝶困蜂慵堪慟蠶絲未斷鳳蠟猶
紅盼不到鶻城猿洞鷓鴣猶寄枯叢翠帳還孤
居誰共

邁對邁介

兄弟蟋蟀聲中空懷曉夢鶴鴿

原上實喜重逢

過

前腔別多年蛟潛無用盼斷游鱗翔鳳恨雲梯未
得接蟾宮應嗟颺技遭窮堪慟蝸牛空戰鵬鳥難
冲知何日馬門供奉家鄉煮鯉烹鴻料聞鴨闌前
鳴蛙相送

邁

尾聲鵬鵠寒莎鷄動

雲

烏輪兔駕迅長空

過

覆鹿

尋蕉恍夢中

邁紫鳳含花出御樓

雲

曉鶯啼送滿官愁

過中原不是無麟鳳

合

匹馬今朝不少畱

第三十二齣

披冠服執笏從人提燈引上

西地錦閣道銅龍重到不堪霜滿金貂凌寒猶候
金門詔還瞻楓闕岢嶢海外漂流已十霜歸來華
髮映衣裳君恩自是如天濶何必焚香侍玉皇
下官特蒙內召祇候早朝玉輦未升銅龍初啓
追憶久投海外永違劔佩于九霄何期重入朝

端載列衣冠于萬國

賞官花萍浮浪飄無由謁聖朝嗟命薄慶恩饒九
死自拚埋馬革五更重幸插鷄翹呀你看金蓮尚

設寶焰高張太乙藜懸何幸今朝重覩令狐燭

照恍疑昔日送歸

前腔鸞墀候朝金蓮照夜高追往事念奇遭愁去
空瞻天上日醒來猶憶夢中蕉追念先朝徒有奇
才之賞可憐往日竟無一事之成

前腔明良定交奇才聖寵叨籌未展技空高片語
到今歌盛事半生何處獻良韜咳叨光遇主金蓮

雖寵微躬借照成讐玉燭實招讒口

前腔長楊燭燒恩光照紫袍招佞究謫英豪鳳蠟

煉成愁脉脉龍膏惹起口噤噤小生扮朱徽宗擁

宦官詩上

神仗兒霜天方曉鷄人籌報看香烟細裊鞏覆金

甌熙皞登玉殿訪羣僚拂旦鷄鳴僊衛陳高憑龍

首帝城春干官黼帳杯前壽百福香奩勝裡人

朕崇寧皇帝是也嗣登鴻寶未敢燕閒閱史披

圖猛欲追謨于賢聖宵衣旰食每勤顧問于臣

鄰今當早朝時分不免升殿則個坡朝見介臣

蘇軾叩見願陛下萬歲萬歲萬萬歲帝卿忠肝

義膽揭日月于重光繡口錦心挽文章于山變

致使浮沉外職抑且漂泊遐方已明百折之忠

實是九重之過坡臣眉山籀質錦水檇材丹陛

陳謨荷先帝金蓮之賜黃堂獻最遭奸臣貝錦

之災顧瀚海窮居自甘埋劍而形堙寵召何望

賜環今朝得覲龍顏此際奚勝雀躍

降黃龍寶炬災招讒口高張孤忠自保飄蓬萬里

有誰辭九折王陽險道榮叨蘭臺典禮重謁五雲

廊廟願輸忠銘常畫金啣環結草帝錄用孤忠不

海揚遺直雖是朕躬夙志實由先帝遺言心忠不

前腔先朝念子賢勞寵賜金蓮恩垂玉照遺忠海

外念幾番落落淹遲遠道鵬鵬秋天鍛羽莫怨殘

楓枯草錄孤臣金章載錫瓊環重召帝卿籌國忠

謨已見朕賜激烈傳家義訓應知頭角崢嶸行

當爵爾後入用以酬卿舊德坡臣子蘇邁蘇過

父書雖讀慚無倚馬之才賢籍未登空有攀龍

之志現居輦轂敢辱班聯聖太子四百世之忠

前腔兒曹有愧傳貂黃卷曾親班衣猶少那堪負

荷問庭前詩禮羞言跨竈蕭條青衿未脫猶困鷄

窓昏曉嘆微才鵬搏無翅牛溲可療帝卿老成練

達固應晉秩台階卿子年少英豪定合策名天

府特免西藩秋解逕投南省春闈聖天子聖天子

前腔英豪粹質奇標克振名家堪供清廟憐卿有

子不枉義方垂教才高聯芳棠棣堪把烟樓撞倒

試春闈龍墀獻賦鸞堤待詔坡臣浮沉宦海羈縛

各韁念鄉國之飛雲奚勝惆悵看桑榆之落日

無任徘徊乞賜省親徐圖報主聖天子聖天子

黃龍滾 衰親望裡 遙游子 天邊老 奈曉夜 思家衣

袖 驪珠 遶瞻 依故道 鄉心如 禱求 歸去 供子 職容

移孝 帝 丹心 靖主 方在今 朝彩 服娛 親何 妨異 日

前腔 椿萱 色未 凋葵 藿忠 堪效 且佐 理皇 猷異 日

飛歸 棹堪 披文 藻還 攄奇 抱方 相合 應未 許青 門

傲 披 初歸 閭闔 本當 圖報 于涓 埃久 潤庭 幃竊 恐

典悲 于風 木歸 心已 切哀 悃宜 矜 帝 子精 闕是

難違 准令 馳驛 臣職 不宜 久曠 依限 赴京 披 謝

帝 恩介 前指 斷蓋 官朝 宣蕭 紉青 命未 劍滌 固

尾聲 垂恩 許訪 金川 道 帝 看指 日重 登廊 廟 披 剩

有涓 渙荅 聖朝

帝 芙蓉 闕下 會干 官 披 柳拂 旌旗 露未 乾

帝 朝罷 須裁 五色 詔 披 肯將 衰朽 惜殘 年

第三十三齣 老程王同上

青玉案 雪隱 梅花 寒衝 柳葉 似候 東方 騎為 問游

人歸 也未 錦瑟 塵生 瓊簫 聲杳 悵長 安千 里 老 為

隔關 山遠 因悲 道路 難 程 白頭 羞弄 杖青 眼望

征鞍 王 地咽 金川 冷雲 凝劔 閣寒 蛾眉 何事 鎖

爲道憶長安

老程

自從邁孫出去未卜軼子存

亡一望天涯竟絕游魚于湘浦百年故國空尋

歸鶴于遼陽白髮傷心青山清淚

王

殘簫入夢

徒懷死別之悲破鏡常懸未遂生還之慶昨見

晚燈花綻茲聞曉鵲聲喧或消息之將傳庶團

圓之有望

老程合

榴花泣滄波淹滯料亦髮成絲三十載竟無歸魚

枯雁老冷庭幃淒風凍雨惆悵舊縫衣憑闌揮涕

怕孤臣一逐琉璃脆慘離魂三月啼鵲喚愁悰半

夜寒鷄

王

前腔飄零夫婿何處問因依憑繡檻掩朱扉鸞孤

鳳去查歸期猖狂落鳧斷送老頭皮半腔心事怕

青螺頓薄當時翠恨難逢隴首梅花最堪憐陌上

楊枝

衆擁賴上

粉蝶兒銜命歸來馬繫殷郎枯樹

衆稟介

已到府

門了賴下馬相見介

離家驚十載羞見鬢痕蓬

休把銀釭照相逢似夢中

老程

自揮鞭出去已

驚歲月遷延雖衣錦歸來亦覺星霜更變且說

汝兄行徑以舒父母情懷

賴

漁家傲
波濤裡數載流離慘風霜夢斷鴟夷念從
前孤雁羣分消不盡寒螿聲喚喜丹書重召金門
侍繫銀魚容臺班厠曾在郵亭相會料歸鞭晨昏
便至

老程

只道已修天上之文誰知還受人間之

祿况汝歡承膝下使我喜上眉端

前腔
愁相看兩鬢垂絲喜吾兒猶侍銅墀猛堪驚
箕尾光寒誰承望奎婁輝熾扁舟問道歸來未料
鶯花西園重麗莫把門閭依倚怕斜陽將人尤殢

王
敢問叔叔你哥哥既困風塵復投坑穽誰飛

諫牘得照冤盆
賴
復爵朝中雖乞恩于至上鳴

冤闕下實借力于姑夫

前腔
忠懷奮脉脉冤飛抱彈章血叩銅墀道忠臣
失水孤鱗恨奸雄迷人九尾獺宸重念金蓮意憶
江湖卅年憔悴欲問奔波滋味試驗取青衫涕淚

王
逐客初還幸得本朝復職孤兒遠出未知何

地安身
賴
京國樓遲已喜重逢橋梓春闈密邇

還期同探花枝

前腔悲年少跋涉天涯料才踈怎赴春闈恁飄流
季子貂裘怕淒涼小喬鸞被九疑如黛湘川蔽問
瓜期甚時驪會試看腰肢憔悴總爲着見郎夫婿
尾聲合待歸來細問當年事有誰念殘香冷膩共
話却潦倒西窓剪燭時

老

林花不待曉風開

程

南陌征人一騎來

于

悵望玉京無限恨

大

共歡明主賜金回

第三十四齣

琴上

青泥曾說偈紅粉解參禪自家琴操便是久脫

紅塵自消白晝呼猿聽偈修成無上涅槃招鶴
參禪悟徹最玄般若與蘇子瞻兩心密印因尋
湘沅行藏對章子厚數語暗嘲頓起瓊崖禍祟
仍在京師寄住還期淨土真修到無量菴說呪
焚香與印師尊繡經入定正是竹密不妨流水
蓮清何怕淤泥道猶未了印師早到印上丹霞
縹緲見金幢去後猶畱滿室香口吐醍醐來灌
頂爭教心地不清涼相見介印天然你可知道
了麼蘇子瞻在京已久我和你去點化他則個

琴如此就行印好將青柳露琴點破白蓮香印

此是子瞻私宅了通報則個蘇老爺有請坡雲

上方尋蝴蝶夢又被鷓鴣催相見介印從彼別

離到今思憶可能無恙以慰有懷坡虛拋歲月

盡歷風波幸得偶逢可消渴想印

北混江龍道受盡了掀天浪濤江州血淚灑虹毫

弄得你三更亂雨萬里驚潮只落得雲袖傷秋停

玉管盼不到霜靴待漏珥金貂恨回波一望蜃樓

高驚魂千派鼉宮曉受用的蠻烟瘴雨蹉過了月

夕花朝琴朝雲姝子一別多時十年勞想雲梯山

航海白髮將侵宿雨餐風紅顏非故琴

油葫蘆因甚的青鏡朱顏頓憔悴又難追別樣嬌

西施褪却如花貌只為着十年奔道路因此上一

旦損丰標誰念湘波涸更覺楚雲消謾將歌扇挽

空把翠眉描天畔雙梭擲海上一蓬飄恨無情風

浪感斷玉臺簫壺中藥倩誰敲印子瞻子瞻你也

該省得了坡久思臥壑養高奈有難拋人事即

欲買田招隱必須先了塵緣印

天下樂當日災危起彩毫馳鳥道涉鯨濤到如今
插鷄鵲似烏衣返故巢猶戀着飛牘凌霄放不下
簪筆隨朝還說道買青山塵緣未了琴朝雲妹子
空你何不同學士焚修了雲我身沉慾海自己難
自撈他心戀仕途別人怎挽琴

節節高迷戀了蛾眉蛾眉玉貌指望望着鸞章鸞章
金誥青鏡臺前要人說娘行俊俏何不浣了脂香
銷了油膩將禪關打着剪了盤龍閒了舞鳳擲了
飛鮫正好向白雲關繙經自遨衆上報介二位相

公會試俱高中了佛琴可喜可賀印
元和令這兩個俱奉錦標舞雙雙斑衣好準備着
封章菽水與梁膏儘年華承歡暮朝有一日雲殘
月缺絮捲花消等氤氳風一掃琴朝雲妹子你令
郎既已高捷身後事也完了

上馬嬌耀門閭有小兒曹呀日下正逍遙你等閒
忘却前生約待誰識舊禪袍坡驚介他有什麼舊

禪袍印子瞻子瞻你還不知道你前世就是五
戒我前世就是明悟琴指雲介他就是紅蓮後

身我就是清一後身

印

勝葫蘆全不想古寺當年着破袍受多少莽風騷
早見了瑤華兒女貌凡心難咽塵情頓起歸去路
迢迢因此上歷難遭魔猶不曉好蹊蹺還被青螺
情愛惱軀藏火坑冤飛慾海回首落皮毛
琴
後庭花擣不盡鐵河泥顏色好吹不斷四洲沙長
慧曉假饒血肉相瞞昧來時路不遙猛相招九蓮
見香遶三車兒悟超笑娘行呈妖獻笑跳不出紅
裙腔調好回頭宿孽兒消新緣斷舊火燒度沉淪

百尺橋

坡大笑介

原來如此原來如此所以會同

館有三人同夢之異

印

柳葉兒早則個一聲長笑舊根源撥盡蓬蒿粧喬
做喬本來面目真消耗待玄同印慧覺超那時節
方纔悟夢裡的心苗

雲

旣蒙指點頓悟因依久昧

玄關願聞道奧

琴

寄生草泥牛水流應遠石撞波飛正杳住行坐臥
空中妙穿衣喫飯禪中奧痢屎撒溺玄中竅若問
却東行鸞鶴滿空飛筭不出西歸龍象回頭早

坡

雲拜介百年幻夢一旦提醒待我暫省雙親撇
塵寰而長往與君永歸三寶指覺岸以同登
印
琴前修有在舊約毋忘我二人在蛾眉山等候
便了蚤知燈是火飯熟已多時
下坡雲合

尾聲曇花一樹高貝葉千篇掃便從此回頭藤枯
蔓槁好一似半夜羅浮香氣繞鐵鞋不費勞覺路
逍遙看金繩寶筏相招何須慮永劫沉身不可撈
還將宿孽消洗却紅蓮圈套那時節白蓮香相携
共入無生道
同下

第二十五齣

邁過同上

祝英臺綠衣飄紅杏暖春色憑誰管雁塔名題馬
踏花痕亂欲問錦水青衫眉山皓首惆悵時光流
變春夜子星回天孫滿月杯咏歌麟趾令簫管鳳

雛來

邁下官蘇邁是也

邁下官蘇過是也

邁我

兄弟雖已赴宴于瓊林尚未授官于銓部意欲
奉嚴親而歸故里兼可侍大父以樂餘年兄弟
意下何如
邁家大人風霜歷遍旣倦飛而知還
予小子雨露新霑宜急流而勇退言之有理意

可無疑 邁

玉芙蓉青雲帝寵長白雪親懷悵喜芝蘭叶夢棣

萼聯芳御杯共醉龍頭榜春雪同含鷄舌香 合長

江上泛清波半航東風裡雙僊新着錦衣裳 邁

前腔蘭蓀正吐芳萱草頻凝望且重尋故里笑訪

高堂殷花細剪黃金帳美液輕浮白玉觴 合前邁

自從束髮輒爾傷心奈有事于驅馳竟不遑于

定省今日幸登一第足繼書香當時備歷千辛

莫看衫淚

雁來紅馳千里滯一鄉走風塵名利韁今朝喜奮

層霄上玉壘重歸訪翠袖猶凝舊日霜 合頻頻望

飛鴉夕陽問征途還惆悵 邁自生塵世未覩家鄉

雖嗟久滯于遐荒猶幸親聆乎詩禮今日曲江

沉醉共着宮袍何時錦水榮歸同娛萊綵

前腔黃岡遠瓊海長幸趨庭有義方今朝得意長

安上往事堪悲愴疋馬猶憐舊日忙 合前邁嚴尊

庶母即欲戒行官舫客囊先須打點 邁蘭橈桂

棹昨已遙停椿樹萱花明當早發須同去稟知

邁 銅龍曉閣問安迴

邁 忽覩雲間數雁來

邁 共沐恩波池上客

邁 緣知獨有子雲才

第三十六齣

賴上

菊花新春深自喜舞朝衣林下輕風蘸翠微恍惚

夜川裡蹉跎朝鏡前紅顏與壯志太息北流年

下官承恩出鎮便道歸家定省晨昏少暢高堂

之力遷延歲月更懸魏闕之心正是丹衷酬聖

主白首荅衰親

衆稟

大老爺已到

坡雲邁過上

金菊對芙蓉故國鶯啼鄉園花媚堪悲歸路雲迷

夢魂尚愧烏衣

相見介賴

且喜哥哥榮歸故里快

請爹媽嫂嫂上堂則個

老程王同上

菊花新斑袖賦歸來白髮生歡喜

坡拜見老程介

久違甘旨備歷辛酸夢繞雲山酷似挺心之鹿

養踈菽水有慚哺食之烏今方返國而省親又

欲入山而訪道萬惟怨罪干乞垂恩 老程受萬

里之風波方嗟賜玦沾九天之雨露又擬投簪

既薄宦情旋修佛果 坡賴同拜介坡重聯荆樹

喜成鴻雁之羣載訪曇花欲問象獅之座 賴漂

流海外何期一笑相逢參悟生前堪了三人同
夢坡王同拜介坡桃花有約劉晨喜得重來只

葉多綠支道又將遠邁王一枝綠柳歡娛試驗
長條九品青蓮修證何妨並蒂坡

剔銀燈自當日黃岡留滯更相遭丹崖顛沛金環
幸得皇朝賜喜今日再完蓮諦合榮歸喜春風彩

衣消舊怨花香酒卮雲拜見老程介堂前初拜

親久缺于趨承老程海外言旋孤客實勞于陪

侍王雲相拜介雲專房寵擅讓人不如蛾眉王

側室賢明訓子喜成麟趾雲

前腔雲烟外青煤還細波濤裡紅粧頓翳高堂未

罄承歡志喜今日雙鸞重聚合前邁過拜見老程

介故國睽違慚繩祖武老程少年昂聳足見孫

謀邁過拜見賴介飲酒賦詩幸承阮籍賴賭棋

折屐喜見謝玄邁過合

前腔窮荒去慚違桑梓晨昏隔未供菽水從離膝

下長無寐喜今日鷓鴣聯翅合前邁過拜見王介

久違慈訓未展孝思春暉每屢于縫衣晝日喜

歸乎著錦 王膝下久離徒切倚門之望榜中雙

占忝成畫荻之功 邁過合

前腔兒年少髮痕驚翠皇恩重衣紋染紫慈幃遠

隔頻揮涕喜今日牽衣相會 合前內云 聖旨下 秦

上聖旨已到跪聽宣讀奉天承運皇帝詔曰風

霜節勁恒遭按劍之誅日月光明用照覆盆之

泣爾禮部尚書蘇軾文字凌雲忠誠貫日金蓮

歸院先王嘆賞奇才彩管題詞國士頓遭讒口

棲遲犴獄奔走鯨波白叟黃童盡知爲枉紫宸

丹陛洞察其寃須進新銜少償舊德特進太師

兼資政殿大學士爾父光祿丞蘇洵丹心靖國

白首歸田封太子太師母程氏閭教多謨義方

有則封成國大夫人爾弟兵部尚書蘇轍功效

省樞忠鳴闔闔特進太傅兼端明殿大學士爾

妻王氏嗣育蘭蓀孝全蘋藻封通義郡夫人妾

王氏相夫益堅晚節誕兒早掇賢科封同安縣

君爾長男觀政進士蘇邁能讀父書允稱國器

授駕部員外郎次男觀政進士蘇過學能製錦

才可運斤授賴昌府郟城縣知縣工部侍郎秦
觀補袞有資于安攘飛章克辨乎賢奸進本部
尚書嗚呼承前啓後萃忠孝于一門崇德報功
錫寵光于奕世欽哉朕命沃矣汝心望闕謝恩
各謝恩介秦見老程拜介秦一官淹滯有慚玉
潔冰清萬里重逢可喜絲纏蘿附老程班聯鳩
鵝堪稱北署之英臺築鳳凰不愧東床之選秦
與衆相揖介秦弓裘在望雅稱奕世志良袍笏
相傳共羨一門榮貴衆昔官諫議已勞駁陛鳴

窵茲列司空復喜門楣生色

大環着喜青鸞飛至喜青鸞飛至漢珥增輝五彩
續紘三紋華麗可是一時榮貴念區區怎酬恩惠
惟願乾坤奠位指黃圖不見山童海沸修三事歌
川主玉檢時封珠星長綴

喬合笙想浮生矇昧想浮生矇昧誰辨雄雌問前
生難解紅蓮真諦舊花香休猜露水枝禪關總玄
偈嘆人間流沛這題詩豈意遭狐尾因緣果報這
其間永劫難逃避南天莫滯西方可歸蛄名蠅利

千秋戲休被紅塵縈繫共向青山去何異邯鄲寤
越恁好鼎綸僊吏鼎綸僊吏譜梨園吐蠶絲看瑞
芝香滿幽蘭調飛行雲駐檀板催清霜句落梁州
妓坡僊靈爽應道神交心契
煞尾函三館裡呈餘技解向詞林遊戲曾有太乙
真人照杖藜

合

春還淑氣滿長安

世上浮名好是閒

聞道僊郎歌白雪

陽春一曲和皆難

金蓮記下

終

